



САДАТ


1925 йилдан чиқа бошлаган

4-5
2020



Мұхаммад Раҳмон

(1949 – 2010)



Ўзбекистон
Республикасида
хизмат кўрсатган
маданият ходими
Мұхаммад Раҳмон
“Мувозанат”, “Яшил
дарё”, “Юрагимнинг
дастхати”, “Асраганим,
авайлаганим” каби
шеърий асарлари
самиими кечинмалари,
тиниқ ташбеҳлари
билин барча замондаги
ўқувчилар қалбига
ҳамроҳ бўла олади.



Ҳамон йўлда улар

Таъбга тараф йўқдир, талабга гап йўқ,
Иста – гул, иста сен япроқларни ўп.
Ва лекин энг аввал йиглаб, бош уриб,
Ўзинг тугилган шу тупроқларни ўп.

Широқми, Номозми, Қодирий, Чўлпон,
Эл учун, юрт учун жонлари ўлпон.
Ҳар оқишом бошингда турган каҳкашион –
Мангу очиқ кетган қароқларни ўп.


Ҳамон йўлда улар, йўлдалар гўё,
Дунё гамларидан қадлари дуто.
Навоий суюнган муборак асо,
Яссавий таянган таёқларни ўп.

Қуёш замонидан билгани меҳнат,
Мингдир шукронаси унса бир неъмат.
Ялангтўшилигига муҳру шаҳодат –
Қадоқ қўллардаги қадоқларни ўп.

Неки гинанг бўлса – ўзингдан гина,
Армони – қалбингга санчилган нина.
Волиданг сочидан бир толагина –
Олиб қололмаган тароқларни ўп.

Заминда ва ёки самода бўлган,
Барҳақдан аввал сўз омода бўлган.
Фитнадан, гараздан озода бўлган,
Ҳақ сўз инишо бўлган вароқларни ўп.

Муҳаммад Раҳмон
2002 йил 30 апрель



Хотин-қизлар учун қўшимча грант асосида ОТМга кириш тартиби

Вазирлар Маҳкамасининг 2020 йил 23 июнданги ВМ-402-сонли қарори билан олий таълим муассасаларига қўшимча давлат гранти асосида қабул кўрсаткичлари доирасида хотин-қизларга танловда иштирок этиши учун тавсиянома бериш ва уларни ўқишига қабул қилишини ташкил этиши тартиби тўғрисидаги низом тасдиқланди. Бу ҳақда Олий ва ўрта маҳсус таълим вазирлиги шундай хабар беради.

Низомга кўра, тавсияномалар қўйидаги мезонлардан бири асосида берилади:

- * кам таъминланган оила аъзоси бўлган хотин-қизлар;
- * тўлиқсиз оиласда тарбияланаётган, яъни ота ёки онаси вафот этган хотин-қизлар;
- * 14 ёшгача бўлган икки ва ундан ортиқ фарзандларни тарбияланаётган, бошқа қариндошларидан алоҳида яшаётган ёлғиз аёл (эркак)ларнинг қизлари;
- * шахсий уй-жойга эга бўлмаган, ижарада яшаётган оиласлар;
- * ота-оналардан бири ёки ҳар иккиси ишсиз бўлган ва иш қидирувчи шахс сифатида ахоли бандлигига кўмаклашиш марказларида хисобда турганлар;
- * ногиронлиги бўлган фарзанди бор оиласлар аъзоси бўлган хотин-қизлар;
- * олий маълумотли хотин-қизлар билан қамраб олиш даражаси республиканинг ўртача кўрсаткичларидан икки ёки ундан ортиқ маротаба паст бўлган туманлар, шунингдек, олис ва бориш қийин бўлган худудларда яшовчи оиласлардаги қиз фарзандлар (уларни ўз худудида З йил ишлаш шарти билан).

Тавсиянома олиш тартиби


Ҳар йили февраль ойида хотин-қизларга тавсияномалар бериш бўйича ишли гурӯҳи тузилади.

Туман (шаҳар) маҳалла ва оиласи қўллаб-кувватлаш бўлимлари тавсиянома олиш мақсадида мурожаат этган хотин-қизларнинг хужжатларини ҳар йили 10 майга қадар Корақалпоғистон Республикаси Маҳалла ва оиласи қўллаб-кувватлаш вазирлиги, вилоятлар ва Тошкент шаҳар маҳалла ва оиласи қўллаб-кувватлаш бошқармаларига тақдим этади.

Ишли гурӯҳ томонидан саралаб олиниб, қўшимча қабул кўрсаткичлари учун танловда иштирок этишга тавсия этилган хотин-қизларнинг рўйхати ҳар йили 15 июня қадар Давлат тест марказига тақдим этилади ҳамда Маҳалла ва оиласи қўллаб-кувватлаш вазирлигининг расмий веб-сайтида эълон қилинади.

Тавсиянома олий маълумот олиш истагида бўлган хотин-қизларга З йилдан кўп бўлмаган муддатга берилади.

Тавсиянома абитуриент рўйхатдан ўтишида танлаган биринчи таълим йўналиши бўйича танловда иштирок этиш хуқуқини беради, иккинчи ва ундан кейинги олий таълим олиш учун танловда иштирок этишга нисбатан татбиқ этилмайди.



Ҳаёт давом этмокда

Тұхтаб қолған 89 та корхона ва тадбиркорлик субъекти фаолияти түлиқ тикланды

Бугунги кунда Тошкент вилоятидаги бир неча ҳудудларда эпидемиологик вазият барқарорлашиб бораётгани ахоли ва тадбиркорлик субъектлари учун қатор қулайликлар яратмоқда. “Яшил” ҳудудга ўтилган Юқори Чирчик туманида ҳам ижобий ўзгаришлар күзга ташланяпты.

Xусусан, туманда пандемия оқибатида ишниң йүқтөтген 1 минг 699 фуқародан 1 минг 553 нафари үз иш үрнига қайтади. Тұхтаб қолған 89 та корхона ва тадбиркорлик субъекти эса фаолиятини түлиқ тиклади. Мазкур корхоналарда 780 нафар фуқаронинг бандлиги таъминланды.

Мева ва сабзавотни қайта ишлашга ихтисослашын “Azian jem” корхонаси шулардан бири. Каантин даврида бу ерда күшимчә 15 та иш үрни яратилди.

– Биздеги замонавий ускуналар меваларни ювиш, тозалаш ва қадоқлашдан тортиб, тайёр маҳсулот ишлаб чиқаришгача бўлган жараённи амалга оширади, – дейди корхона мутахассиси Алишер



Сиддиқов. – Илгари жамоамизда 25 нафар йигит-қиз меҳнат қиласы, хозир пишиқчилик мавсумини хисобга олиб яна ёшларни ишга олдик. Эндиликда корхонамизда йигирма беш турға яқин маҳсулот ишлаб чиқарилади. Уларни ҳозирча ички бозорга етказиб беряпмиз.


Тумандаги “Textile Technologies Group” тұқымачилық корхонаси ҳам фаолиятини тиклади. Пахта толасидан калава ип ишлаб чиқарадиган жамоада ишсиз фуқаролардан 550 нафарининг бандлиги таъминланган. Бугунги кунда маҳсулотлар Россия, Хитой, Туркманистон, Эрон, Тоҷикистон ва Туркия давлатларига экспорт қилинмятти.

Шунингдек, Куйи Чирчиқ туманида ҳам эпидемиологик вазият яхшиланиб, “яшил” ҳудудга ўтилгани боис корхоналарда иш яна жонланди. Узбекистон – Россия кўшма корхонаси яқинда фаолиятини бошлади. Бу ерда болалар тикув-трикотаж маҳсулотлари ишлаб чиқарилмоқда. Эҳтиёжманда оиласардаги 200 нафар хотин-қизнинг бандлиги таъминланди.

Тайёрланаётган маҳсулотларнинг асосий қисми Россияга экспорт қилинмятти. – Иш шароитларимиз яхши, – дейди корхона мутахассиси Дилбар Сафарова. – Бизда хунари бўлмаса ҳам хотин-қизлар ишга қабул қилинмятти. Уларга бу ерда тажрибали тикувчиликаримиз касб сирларини ўргатади. Ишлаб чиқарилсаётган маҳсулотлар замон талабларига түлиқ жавоб берадигани учун асосан экспортга жўнатилияти. Келгусида иш ўринлари сонини янада кўпайтириб, камиде 300 тага етказиш ниятидамиз.

Тошкент вилояти ҳокимлиги ахборот хизмати маълумотига кўра, бундай ижобий ўзгаришларни бошқа туман ва шаҳарларда ҳам кўриш мумкин. Энг асосийси, пандемия бўлса-да, ҳаёт тұхтаб қолгани йўқ.

Коронавирусдан ҳимоя қилувчи озиқ-овқат маҳсулотлари



Испания пульмонология ва торакал жарроҳлик жамияти раҳбари Эусеби Чинер ва пархезшунос Александро Кановас қайси озиқ-овқат маҳсулотлари нафас олиш аъзоси – ўпкани коронавирусдан ҳимоя қилишини айтиб ўтди.

* Таъқидланишича, тухум, гуруч балиқ ва ёнғоқ каби маҳсулотлар нафас олиш тизимини мустаҳкамлашга ёрдам беради. Масалан, ўпка ҳолати ёмонлашганда, организмда оқсилга эҳтиёж ортади, тухум эса оқсилга бой. Бундай вазиятда таркибида С витамины мавжуд бўлган помидор ҳам организмга яхши таъсир кўрсатади. Шунингдек, сут маҳсулотлари ва сув ҳам фойдали.

* Испаниялик пульмонологнинг фикрига кўра, нафас олиш органини тўғри овқатланишдан ташқари, тўйиб ухлаш ва жисмоний машқлар бажариш ёрдамида ҳам ҳимоялаш мумкин.

Абдулазиз МУСАЕВ, ўзА

Улар нафақа ёшида турмуш қуришди

Күнгил ёш, ҳали ҳаётдан умидимиз катта, узоқ йиллар бахтли ҳаёт кечирмоқчимиз, деган ватандошларимизни ҳавас билан күп бора кузатғанмиз.

62 ёшли Вадим Антипов Фарфона шаҳрида истиқомат қиласы. Нұкуслик хусусий мактаб үқитувчысы Наталя Чагай билан танишганларига бу йил 4 йил бўла-ди. Шаръий никоҳдан сўнг улар тўғри Фарфона шаҳридаги 1-сон ФХДЁ бўлимига ариза билан мурожаат қилишиб, оиласига қонуний тус беришди.

Хўш, нима бўпти дерсиз. Мамлакатимизда ўрта ёшдан кейин турмуш курган фуқаролар орасида никоҳни қайд этиш гувоҳномаси энди шарт эмас, ўзи шартимиз кетиб партимиз қолдику, дейдиганлар ҳам талайгина. Лекин ушбу ҳужжат ҳаётда юзага келадиган турли вазиятларда шахснинг ҳуқук ва эркинликларини, унинг қонуний манфаатларини ҳимоя қилишини унутмаслик керак.

Биргина Фарфона вилояти ФХДЁ бўлимлари томонидан жорий йилнинг 5 ойи давомида 33 минг 579 дона тугилганлик, 5 минг 779 дона никоҳ тузилганлик ҳақидаги далолатнома қайд этилган.

— Ағсусли, далолатномаларни расмийлаштириш борасида фуқароларимиз орасида ҳали ҳам бефарқлик ҳолатлари бор, — дейди Давлат хизматлари агентлиги Фарфона вилоят бошқармаси бўлим бошлиғи Шаҳноза Имомова.— Лекин тушунтириш ва тарғибот ишлари ҳамда маҳаллалардаги фаоллар билан ишлаш натижасида бу ракамлар-



ни сезиларли тарзда қисқартиришга эришдик. Масалан, 2020 йилнинг

1 июнь кунигача вилоятда 831 та шаръий никоҳ билан чекланган оилаларни қонунийлаштиришдик. 85 та муддати ўтган тугилганлик ҳақидаги гувоҳномаларни расмийлаштиришдик. Айни кунларда ёшларнинг никоҳ ва бу билан боғлиқ ҳужжатларни расмийлаштириш борасида дунёқарашлари ижобий томонга ўзгариб бораётганидан хурсандмиз.

Масалан, вилоятда ўтган 5 ой давомида 7300 дан ортиқ жуфт ёшлар расмий никоҳдан ўтиш учун ариза берган. Эътиборли жиҳати шундаки, пандемия шароитида, яни жорий йилнинг 1 июнядан 12 июнянига қадар фарфоналик 1000 жуфтдан ортиқ ёш 30 киши иштироқида тўй тутказиб, оила қуришиди.

Хулосамиз шуки, ҳаётда ўзини ва тақдирини хурмат қиласиган ҳар бир фуқаро никоҳ, тугилганлик ва шу каби ҳужжатларни расмийлаштиришга доимо катта аҳамият берадилар. Чунки бу каби расмий гувоҳномалар келажакда давлат ва жамият билан муомалада энг керакли ҳужжат ҳисобланади.

Элёр АЪЗАМ, ЎЗА



ҲИММАТНИНГ ҲИКМАТИ БОР Ноирон долакайнини умидлари қанот ёзди

Ҳазратишио қишлоғи Намангандан марказидан 60 километр олисда. Ушбу қишлоқ Қирғизистон Республикаси билан чегарадош ҳудуд бўлиб, асосан, қирғиз миллатига мансуб аҳоли истиқомат қиласы.

Куни кеча Олий Мажлис Сенати Хотин-қизлар ва гендер тенглиқ масалалари қўмитаси раиси ўринbosари Носирбек Абдуллахонов Намангандан ижтимоий-иктисодий ривожланиш ҳолатини ўрганиш доирасида мазкур ҳудуд аҳолиси билан ҳам учрашиди.

Сенатор учрашув чоғида электр энергияси, газ ва ичимлик суви таъминоти масалаларига эътибор қаратди. Қолаверса, аҳоли муаммоларини ҳам ўрганиб, аксариятини ҳал этди.

Ҳар кундузниң үз төнші бор

Жиззахлик Дилфузда Юсупованинг бошидан не қийинчиликлар ўтмади. Ҳаммасига бардош берди, сабр қилди.

...Эри тўрт фарзанди билан кўчага ҳайдади. Туғишганларига оғир юқ бўлишни истамаган аёл болалари билан кўп йиллар ижара уйларда яшаб юрди, тинимсиз меҳнат қилди. Улгайиб келаётган тўрт фарзандни едириб-ичириш, таълим-тарбия беришининг ўзи бўлмайди, ахир. Уйсиз яшаш, ижарама-ижара сарсон юриш, тегишли ташкилотларга бошпана сўраб қилинган мурожаатларнинг жавобсиз қолиши опани ҳоритди, лекин иродасини синдира олмади, умиди сўнмади.

Дилфузда опанинг Ўзбекистон Республикаси Президенти Виртуал қабулхонасига йўлланган биринчи мурожаатиёқ тегишли ташкилотлар томонидан эътиборга олиниб, янги уй ажратилди.

– Инсон дунёга келиб, бир олам орзулар билан улгайди. Айниқса, қиз бола орзуларининг чеки бўлмас экан, – дейди эндиликда Жиззах шаҳар “Зилол” МФДаги ўз уйида яшаётган Дилфузда Юсупова. – Мени давлатимиз кўллаб-куватлади. Мен ва менга ўхшаган турмуш аравасини ёлғиз тортаётган аёллар уйли-жойли бўлди.

Қурилиш вазирлиги берган маълумотга кўра, мамлакатимизда 2017-2019 йилларда 17 мингга яқин уй қурилиб, фойдаланишга топширилган. 2019 йилнинг ўзида “Обод қишлоқ” ва “Обод маҳалла” дастурлари доираси-



да 479 қишлоқ ва овулда, шаҳарлардаги 116 маҳаллада кенг кўламли қурилиш ва ободонлаштириш ишлари бажарилди. Кам таъминланган ва уй-жой шароитини яхшилашга муҳтож 5 минг оиласа, жумладан, ногиронлиги бўлган аёлларга ипотека кредити асосида арzon уй-жой сотиб олиш учун 116 миллиард сўмдан зиёд бошлангич бадал тўлаб берилди.

Матлуба Далиеванинг кўзи ожиз. Шунга қарамай синглиси ва иккинчи гурух ногирони бўлган вояга етмаган укасини қарамогига олган. Ўзи эса Жиззах шаҳар 10-умумтаълим мактабида мусиқа маданияти фанидан дарс беради.

– Бахти ҳар ким турлича тушунади. Мен учун энг баҳти инсон ўз уйи бор кишидир, – дейди Матлуба опа. – Инсон қийинчиликлардан чўчимай, мақсад сари интилса, албатта, ниятига етар экан. Уйсиз сарсон-саргардонликда яшаш қандай азоб эканини ҳамма ҳам тушувнермайди. Бошимга тушган ташвишларни айтсан, ҳеч ким ишонмайди. Шукур, ҳаммаси ортда қолди. Мана, энди бизнинг ҳам ўз бошпанамиз бор.

– Мамлакатимизда аҳолини уй-жой билан таъминлаш, турмуш шароитини яхшилаш, кам таъминланган, ижтимоий ҳимояга муҳтож оиласаларни кўллаб-куватлаш мақсадида кенг миқёсли ишлар амалга оширилмоқда, – деди Жиззах вилоят ҳокимининг ўринбосари, Маҳалла ва оиласи кўллаб-куватлаш бошқармаси бошлиғи, Сенат аъзоси Назира Мухторова. – Вилоятимизда кейинги йилларда 3 минг 500 га яқин оила уй-жой билан таъминланди. Ногиронлиги бўлган фуқароларга ипотека кредити асосида имтиёзли уй-жойлар ажратилди. Албатта, бу ишлар давомли бўлади. Муҳтарам Президентимиз айтганларида, ҳар бир инсоннинг бугун ўз ҳаётидан рози бўлиб яшashi учун олиб борилаётган саъй-харакатларга биз доим камарбастамиз.

Шу билан бирга, Ҳазратиши қишлоғида яшовчи А.Атақўзиев оиласи ҳолидан хабар олди. Унинг ўғли Ҳусанбой Анарбеков II гурӯх ногирони. Саломатлигига нуқсони бўлса-да, бир олам орзулари бор. Сенатор Ҳусанбой билан сұхbatлашар экан, болакайнинг орзулари, мақсадларига қулоқ тутди. Унга яхши гаплар билан умид бағишлади.

Сенат аъзоси Ҳусанбойга ногиронлик аравасини ҳадя қилиб, саломатлигини тиклаш мақсадида вилоятдаги марказий шифохонада ёки пойтахтимиздаги етакчи клиникаларда даволанишида ёрдам беришини билдириди.

Бу каби хайрли ишлар халқимизга хос саховат, меҳр-оқибат, ҳамжиҳатликнинг ёрқин намунасидир.

Муаттар РЎЗИБОЕВА, ўзА

Шаҳноза МАМАТУРОПОВА, ўзА

Ўн беш ёшли ўқувчиларниңг ютуқларини баҳолайдиган тизим



Иншо, диктант, ёзма иш, турли мисолу масалалар... Булар ёрдамида йиллар давомида ўқувчи-ёшларнинг билим ва кўникмасини баҳолаб келяпмиз.

Берилган вазифани хатосиз бажарса – “5”! Сал нўноқроғига – “4”! Хатолари кўп бўлса – “3” ёки “2”. Аммо бу тарзда баҳолашлар, албатта, нисбий! Ўқитувчи бу ўринда ўқувчининг салоҳияти, қобилияти ва имкониятига эмас, билим ва кўникмасига баҳо кўймоқда, холос. Демак, эндиликда анъанавий баҳолаш мезонлари эскиряпти. Таълимга янгича ёндашувлар кириб келаётган экан, бу борада ҳам илгор мезонлар керак!

Xуш, бугунги ўғил-қизлар мактаб партасида ўтириб ўргангандарни эртага ҳаётида қай даражада қўллай олади? Бундай кўникмани қандай ҳосил қиласа бўлади? Айни шу ўринда PISA – Халқаро талабалар билимни баҳолаш дастури(Agreement for participation programme for international student assessment)нинг аҳамияти ойдинлашади.

Соддороқ қилиб айтсак, PISA – ўқувчиларнинг таълим соҳасидаги ютуқларини баҳолаш бўйича халқаро дастур. У 15 ёшли ўқувчиларнинг ўқиши, математика ва табиий фанлар бўйича саводхонлик даражасини турли тестлар ёрдамида баҳолашга қаратилган. Энг қизиги, PISA фарзандларимизнинг ижодий ва танқидий фикрлаш қобилиятини ҳам аниқлаб беради. Мактабда олган билимини ҳаётда қўллай олиши учун рағбат уйғотади.

Мазкур дастур ҳар уч йилда бир марта ўтказилади. Биринчи бор 2000 йилда бўлиб ўтган эди. Ўшанда 43 мамлакатдан ўқувчи-ёшлар ўз билим ва салоҳияти-

ни синовдан ўтказишган. 2018 йилга келиб эса иштирокчи мамлакатлар сони 78 тага етди.

PISA – мамлакатдаги жами 15 ёшли ўқувчиларнинг 3 фоизини қамраб олади. Ҳар уч йилда битта фан ўналишига урғу берилиб, 2000 йилда илк бор ўқиши саводхонлиги устувор қилиб олинган. Демак, ҳисоб-китобларимизга кўра, 2021 йилда математик саводхонликка асосий эътибор қаратилади.

Келаси йилда Ўзбекистон ҳам мазкур дастурда илк бор иштирок этиши кўзда тутилган. Унда қатнашишдан кўзланган мақсад ўқувчиларимизда XXI аср кўникмалари ни шакллантириш, рақобатбардош кадрлар тайёрлаш учун мустаҳкам замин яратишдан иборатdir.

Мактаблар ўқувчи-ёшларни катта ҳаётга муносиб равишда тайёрлай оляптими? Айрим турдаги ўқув дастурлари бошқаларига нисбатан самаралироқми? Мактаблар муҳожирлар ёки оғир ижтимоий шароитга эга ўқувчилар келажаги яхшиланишига ёрдам берадими? Дастур шу каби саволларга жавоб топишга қаратилган.

Қолаверса, PISA ўқувчиларнинг асосий мавзуларда билим ва кўник-

маларини қўллай олиш қобилияти, муаммоларни таҳлил қилиш, шарҳлаш ва самарали ҳал қилиш, фикрлаш, мулокот килиш имкониятларини кўриб чиқади.

Яна бир масала, ўқувчилар мактабда ўрганиши лозим бўлган ҳамма нарсани тўлиқ ўзлаштира олмайди. Самарали ўрганивучи бўлиш учун улар фанлар нима учун ўрганилиши ҳақида хабардор бўлишлари лозим. PISA ўқувчиларнинг матнни тушуниш, математика ва табиий ўналишдаги фанлардан саводхонлиги ҳамда таълим олишга қизиқишини оширади.

Шундай экан, ўрта мактабларда ўғил-қизларни юксак маънавиятли, чуқур билимли, кенг мушоҳадали, саводхон ва ижодкор, энг асосийси, халқаро баҳолаш дастурлари талабларига мос қилиб тарбиялаш, биз, ўқитувчилар зиммасидаги устувор вазифадир.

Гулмира ШАРИПОВА,
Чуст туманидаги 9-умумтаълим мактабининг она тили ва адабиёт фани ўқитувчиси.



Коронавирус инфекцияси!

Халқнинг бошига келган бу оғир синов қанча-қанчалаб инсонларнинг тинч ҳәтига раҳна солди, бир қанча одамлар умрига зомин ҳам бўлди. Касалликка чалинганлар сони кун сайин кўпайиб бораверди, ёшу қарини аямайдиган шашти бор экан бу хасталикнинг.

Давлатимиз раҳбари бошдаёқ кескин чоралар кўрмаганида, балки, коронавирус билан боғлиқ аҳвол янада мушкуллашиб кетармиди... Ахир чет давлатларда юзлаб-минглаб инсонлар ҳәти шу хасталик туфайли завол топаётганини эшитиб-билиб туриб-мизу.

Бугунга қадар (шу йилнинг 27 июня сана-сигача) институтимиз клиникасига тоҳсимон вирус билан хасталangan 1029 нафар бемор қабул қилиниб, улардан 865 нафари буткул соғайди. Пойтахтимизда ва вилоятлардаги юкумли хасталиклар шифохоналарида ҳам бу борада яхши натижаларга эришилмоқда.

Коронавирус инфекциясига хос белгилар – иситма, ўйтал, нафас етишмаслиги бизнинг беморлarda ҳам қайд этилмоқда. Диарея (ич кетиши), ҳатто ҳид ва таъм билиш сезгисининг йўқолиши ҳам касаликнинг бошланишидаёқ кузатилмоқда. Демак, коронавируснинг бизнинг ҳудудда кечиши хорижий давлатлардаги ҳолат билан деярли фарқ қилмайди.

Беморларни Жаҳон соғлиқни сақлаш ташкилоти тавсиялари асосида даволаш иши-мизни бир қадар енгиллаштиради. Германия, Жанубий Корея, Хитой, Япония тажрибала-ридан фойдаланиш, зарур замонавий тиббий даволаш-ташислаш асбоб-ускуналари ва махсус дори-дармонлар билан таъминланганимиз, етакчи тиббий муассасалардан мутахассисларнинг жалб этилиши, давлатимиз томонидан қисқа муддатда клиника ташкил

ҲАР КИШИ ЎЗ СОҒЛИГИ УЧУН МАСЬУЛДИР

қилиниши сингари бир қатор яхшиликлар ўзининг ижобий самарасини бермокда. Бундан ташқари, юртимиздаги пульмонолог, кардиолог, терапевт, эндокринолог каби етук мутахассислар билан телемулоқот ўрнатилиб, зарур тавсияларни олишаётгани ҳам шифокорларимизга юл келмоқда. Коронавирус инфекциясига чалинган беморларни даволаётган вилоятларимиздаги тиббиёт муассасалари шифокорлари билан ҳам доимий мулокотда бўлиб, тажриба алмашиб турибмиз.

Ҳар бир киши огоҳ бўлиши керакки, коронавирус инфекцияси асосан ўпкага таъсир қиласди, аҳволи оғир беморларда нафас етишмовчилиги юзага келади, ўпкада мустақил равишда ҳаво айланмай қолади. Бундай вақтда беморга зарур кислород сунъий нафас олиш аппарати орқали етказиб берилади. Касалликнинг бу хилда оғир кечиши асосан ўпка, жигар, юрак каби ички аъзоларида илгари бир қанча касалликлари бўлган беморларда кузатилди. Хуллас, қайси организмда сурункали-хасталиклар ривожланган бўлса, шунингдек, ортиқча вазнли ва астма ёки гипертонияга чалинган ҳолларда, бундан ташқари қандай диабет беморлари ҳамда илгари бир неча марта пневмония (зотилжам)ни бошдан ўтказган беморларда коронавирус касаллиги оғирроқ кечади.

Ўрта оғирлиқда кечеётган касаликнинг қисқа муддатда пневмонияга олиб келган ҳолатлар ҳам учраб турди. Шунингдек, касаликнинг бошлангич белгилари энди юзага келаётган пайтда - рентгенда пневмония аломатлари аниқланди. Булар касаликнинг қандай кечишини прогноз қилиш қийинлигини кўрсатади. Шунинг учун бу инфекцияга қарши жуда жиддий қараш зарурлигини англалик.

Хорижлик мутахассис олимлар коронавирус инфекцияси ҳәтий мухим аъзоларда оғир асоратлар қолдиришини қайта-қайта таъкидлашмоқда. Мен айтмоқчиманки, ҳар бир организм турлича. Яқинда бир беморимиз тузалиб, реабилитацияга ўтганда касаликнинг ўзига хос аломат кузатилди. Яъни коронавирус унинг нерв тизимларига ҳам таъсирини ўтказиб, асорат қолдирибди, ҳатто беморнинг оёкларида ҳаракат чекланди. Ҳозирда олиб борилаётган муолажалардан кейин ҳаракат аста-секин тикланаётганини эшитиб, бироз хотиржам бўлдик.

Афсуски, бугунги кунда нафақат чет элдан олиб келинаётган ватандошларимизда, балки, аҳоли орасида ҳам коронавирус билан оғирлангарнинг аниқланаётгани кишини ташвишга солмоқда.

Ўрнатилган тартиб-қоидаларни менсимаслик оқибатида вазият тараанглашиб бораверади. Барчамиз итоатли бўлиб, шифокорларнинг тавсия ва кўрсатмаларига амал қилсак, карантин даврида ҳәтий заруратсиз уйимизни тарқ этмасак, касаликнинг илк белгилари аниқланганда, уни яширмай шифокорларга ўз вақтида мурожаат қилсак, бу касаллик, албатта, чекинади. Ахир ҳалкимиз ўтмишда не-не жангу жадаллар, табиий оғатлару бало-қазоларга рўбарў келган. Шундай қийинчиликларнинг барчаси элимизнинг сабр-бардоши ва кучли иродаси туфайли енгib ўтилган. Қолаверса, ҳар бир киши ўз саломатлиги учун ўзи масъулдир. Буни ҳеч вақт унутмаслигимиз керак.

**Муҳайё АСИЛОВА,
Республика Вирусология илмий-текшириш
институти бош шифокори, тиббиёт фанлари доктори.**

Устози аввалии

Тошкентга келиб, тала-ба бўлиб, илк кўз очиб кўрган матбуотим “Ўзбекистон хотин-қизлари” журнали (буғунги “Саодат”) бўлди. “Саодат” журнали ўша пайтда ҳам мамлакатимизнинг ижодкор хотин-қизларини ўз атрофида жисплаштирган, ўзи-га хос маҳорат мактаби яратган, устозлик мақомига эришган қутлуг даргоҳ эди. Асаларилар гулларга интилганидек, биз ёш ижодкорлар бу ерга интилардик.

Менинг ушбу нашрда чоп этилган биринчи журналистик изланишларим ва қувончларим ҳамон эсимда. Тақдир мени айни кунда кексалик гаштини суроётган таникли журналист Санъат опа Махмудовага рўбарў қилди. Самимий, дилкаш, жонкуяр, оиласпарвар Санъат опа ҳам журналга энди ўтган экан. Олиб борган мақоламини дикқат билан ўқиди.

Сўнгра менга қараб: – Яхши обьект танлабсиз. Журналистнинг биринчи ютуғи қаҳрамонни танлай билишдир. Бирор тавсия қилдими? – деб сўради.

– Уйимиз фабрикага яқин. Қўшниларим кўпчилиги уерда ишлайди. Улардан цех бошликлари “Хизмат кўрсатган рационализатор” унвонини олганини эшитдим. Уч кун катнаб, фабрика директори, бош инженери ва ўзи билан суҳбатлашиб, фаолиятини ўргандим. Андоза олгандан кейинги қийқимлар чиқитга чиқарилар экан. Ушбу қийқим газламаларга иккинчи умр баҳшида этиб, ундан турли хил рўзгор буюмлари ишлаб чиқариш лойиҳаси амалга оширилаётгани, бу фабрикага ҳам, ишчиларга ҳам қўшимча даромад эканлиги мени жуда қизиқтириди. Қаҳрамоннинг уйларида ҳам бўлдим. Фарзандлари билан ҳам танишдим, – дея жавоб бердим.

Хоразмда биринчи бўлиб рационализаторлик унвонини олган аёл, Урганч тикувчилик фабрикасининг цех бошлиғи Анажон Отаева ҳақидаги мақолам чоп этилгандаги қувончларимни ифодалаб бериш қийин эди. Ўшанда биринчи курс талабаси эдим-да. Талабалик йилларим журналда жуда кў мақолаларим чоп этилди. Ҳамиша Санъат опа Махмудованинг ўгити ҳаёлимда бўлиб, қаҳрамон танлашга алоҳида эътибор бера бошладим. Масалан, ўша йиллар машхур пиллакаш, Урганч туманидаги Ўрта Дўрмон қишлоғи (буғунги “Оқ олтин” жамоа хўжалиги) фуқароси, қатор орденлар соҳиби Сўнажон опа Собирова, Урганч шаҳридағи 4-сон мактаби бошлангич синф ўқитувчиси Дар-



монжон опа Раҳимова каби воҳанинг машҳур ва ўз касбига садоқатли аёллари, устозлар ҳақида очерк ва лавҳаларим чоп этилган эди.

Украин шоираси Леся Українканінг юз йиллиги нишонланган пайтлар диплом иши ёзадиган давримга тўғри келди. Леся Українканінг ижоди, ҳаёти, саёҳатнома шеърлари ва ижодкорнинг ўзбек тилига таржималари билан танишар эканман, гўзал шеъриятидан қалбимга бир чўғ тушди. Леся Українканінг шеърларини йигирмадан ортиқ таржимон ўзбек тилига ўғирган эди. Шоира Зулфия таржималаридан янада кўпроқ завқландим, руҳландим. Мен диплом ишимни Леся Українка таржималарига бағишлишни юракка туйдим. Бизга таржимоншуносликдан сабоқ берган устозимиз Файбула Саломов (охирати обод бўлсин) фикримни қўллаб-қувватлади. Диплом ишимни тутатиб, устоз Файбула Саломовнинг назаридан ўтказганимда шоира Зулфия таржималари қисмидан домланинг ҳам ниҳоятда ҳаяжонланганини кўрдим. Устоз Зулфия таржималарининг ёнига “зўр, қойил” деб ёзид қўйган эди. “Жуда яхши диплом иши бўлибди, мавзу ҳам, унинг ёритилиши ҳам маъқул келди. Сиз бу изланишларингизни келажакда ҳам давом қилдиринг. Ҳозир эса уни Зулфия опага ҳам кўрсатиб олинг”, дея маслаҳат бердилар.

Мен изланишларимни шоира Зулфиянинг назаридан ўтказиш учун “Саодат” журналига бордим. Журналда кўпгина мақолаларим чоп этилган бўлса-да, бирор Зулфия опа билан шахсан ҳеч учрашмаган эдим.

Диплом ишим муносабати билан опанинг ҳузурида бўлдим. Ижод, оила, журналистика масалаларида узок сұхбатлашдик. Диплом ишим у кишига жуда маъқул келди. Қўллаб-қувватладилар. У пайтларда Леся Українка ижоди ўзбек китобхони учун янгилик эди.

Кейинчалик рўзгор ташвиши, фарзанд



тарбияси, иш билан банд бўлиб, опанинг ҳузурига бора олмадим. Бир куни журналга ҳикояларимни олиб бордим, адабиёт бўлимининг мудири Ойдин Ҳожиева эди. У кишига ҳикоя маъқул келиб, Зулфия опага тавсия қилибдилар. Ўша даврда университетдан берилган йўлланма билан Ўзбекистон телевидениесида муҳаррир бўлиб ишлардим. Бир куни телефон жиринглаб қолди. Гўшакни кўттардим. Мехрибон, эътиборли устоз Ойдин Ҳожиеванинг қўнғироқдек овозини эшитиб хурсанд бўлдим. “Асарингиз маъқул келди, тезда етиб келинг, Зулфия опа сизни йўқлаяпти”, дедилар. Опанинг ҳузурига кирав эканман, у кишининг очик чехра билан пешвуз чиқиши мени янада руҳлантириди. “Қаерда юрибсиз? Сизни йўқотиб қўйдик-ку”, деб самимий кутиб олдилар. Улар мени эслаб қоладилар, деб кутмаган эдим. “Адабий туйғулар” туркум қатраларим у кишига маъқул келиби. Табриклидилар. Яна узоқ субатлашдик. “Фарзандли бўлибсиз, ишга жойлашибсиз. Қутлуғ бўлсин. Бироқ ёзган асарларингиз ҳам сизнинг фарзандларингиз каби уларни ҳам бола парваришлагандек авайлашни билишингиз керак. Таржимачилик соҳасидаги ишларингизни давом қилдиринг”, деб маслаҳат бердилар. Устоз Зулфия опанинг ушбу сўзлари ҳамон қулоғимда жаранглайди. Опанинг ҳузуридан уларнинг эътибори учун гоят хурсанд бўлиб чиқдим. Шоира Зулфиянинг маслаҳати билан таржимачилик соҳасидаги изланишларимни кучайтирдим.

Тезкорликни, ташаббускорликни ўргатган телевидениеда ўн етти йил ишлаган кезларимда ҳам “Саодат”-журналидан қадамимни узмадим. Гоҳ ҳикояларим, гоҳ мақолаларим чиқиб турарди. Масалан, “Ҳарорат” деган ҳикоям ҳам биринчи бўлиб шу журналда чоп этилди. Ушбу журнал ва унинг жамоаси менга бир олам ижодкорлик руҳиятини баҳш этарди. Бир куни “Саодат” журналида ишлаётган Ўзбекистон Республикасида хизмат кўрсатган журналист Раҳима опа Шомансурова сўраб қолди: – Сизни талаба вақтингиздан биламан, бизда амалиёт ҳам ўтадингиз, нега матбуотнинг замонавий йўналишини танладингиз? – деб сўраб қолдилар.

– Чунки университет менга Ўзбекистон телевидениесида ишлашга йўлланма берди. Шу-шу у ерда ишлаб юрибман. Ватан қаерга йўлласа, ўша ерда ишлаймиз-да, – дея жавоб бердим.

Ўзбекистон телевидениесида ишлаб, олима аёллар ҳақида “Гул кўп, чаман кўп” номли туркум телөчерклар ва юртимиз алломалари тўғрисида “Мозийдан ёғдулар” кўрсатувини тайёрлаб юрган пайтим эди. У пайтларда аёллар ва машҳур аждодларимиз ҳақида кўрсатувлар жуда кам эди. Бир куни “Саодат” журналининг бош муҳаррири Ойдин опа Ҳожиева ТВга кўрсатувга келдилар ва мени ишга таклиф қилиб қолдилар.

Менга талабалигимдаёқ журналистика сирлари билан ошноликни ўргатган даргоҳга ўтиб ишлашга қарор қилдим. Журналда масъул котиб бўлиб ишлаш мен учун бу ижодий ҳаётимдаги, иш фаолиятимдаги иккинчи бир давр бўлди. Ойдин опам гоҳ “Шарқ” канцернининг бош ҳисобчиси ҳузурига, гоҳ бош инженер, гоҳ директор ўринбосари ҳузурига жўнатиб, журналнинг босмахона билан амалга ошадиган вазифаларини ҳал қилиб келишни топширап эдилар. У пайтда ОАВлари жумладан, журнал ҳам мустақиллик шарофати билан янги тизимга қадам қўйиб, янги-янги мураккабликлар, иқтисодий қийинчилликлар остонасида қийналиб турган бир давр эди. Нарх-наво ошган сари, бос-

махона харажатлари ҳам ошиб бораётган, обуна жараёни кундан-кунга пасаяётган бир палла эди. Масалани ҳал қилиб келгач, ҳисобот берардим. Улар ё маъқуллардилар, ёки мана бундай қилишингиз керак эди, деб ўргатардилар.

Кейинчалик “Соғлом авлод” газетасида бош муҳаррир бўлиб ишлаганимда “Саодат”да ўрганганларим менга жуда қўл келди. “Соғлом авлод” Давлат дастури асосида 2000 йилда ташкил этилган газетамиз нолдан иш бошлаб, тез орада ўн минг тираждан ошиб кетди. Республика газета-журналлари орасида ўз овозига, ўз ўрнига эга бўлди. Бу ютукларда, албатта, “Саодат” журналида устоз Ойдин Ҳожиевадан ўрганганларим, ТВда кўрсатув тайёрлаш учун югур-югурлардан олган сабоқларим қўл келди, десам арзиди.

Олий Мажлис Қонунчилик палатасига депутатлик мuddатим тугаб яна “Соғлом авлод” газетасига қайтдим, белимни маҳкам бοғлаб ишга тушиб кетдим. Олий Мажлис қошидаги жамоат фондига лойиҳалар ёзиб, тўрт марта грант олиб газетанинг қаддини тиклаб олдик. Булар ҳаммаси устозларнинг изланувчанлигини кўриб, кузатиб, сабоқ олишга интилганларим самараси десам бўлади.

Айни кунда Тошкент шаҳар “Соғлом она ва бола” надавлат нотижорат ташкилотини бошқариб, электрон нашр – gujum.uz сайтини элга армуғон қилиб турибмиз. Газета-журнал журналистиканинг энг дастлабки бир йўналиши, радио-телевидение иккинчи йўналиши, интернет журналистикаси энг замонавий ўзига хос яна бир йўналиши бўлиб, Аллоҳга ҳамду санолар бўлсин, бу йўналишни ҳам ўзлаштириб олдим. Буларнинг бари атрофимдаги яхши кишиларнинг ҳаёти ва ижодини кузатиб, устозларнинг ўғитларига қулоқ тутиб, улардан олган сабоқларим самарасидир.

Халқимизнинг: “Бир кун туз тотган жойингга қирқ кун салом бер”, деган ибораси бор. Мен эса “Саодат” журналидан бир умр туз тотидим. У нафақат мен учун, балки, бутун Ўзбекистон хотин-қизларининг ёнида мавжланиб оқсан дарёдир. Ана шу дарёдан қониб-қониб сув ичганимдан беҳад хурсандман. Аллоҳ изни или устозлар рози бўлсин.

Бу йил 95 ёшини нишонлаётган, хотин-қизларнинг ҳаётда ўз ўрнини топишига кўмаклашиб, Ватанимиз тараққиётига муносиб ҳисса кўшиб келаётган онахон нашр – “Саодат” журналига истагим шуки, унинг обунаси ошиб-тошиб кетсин, анъанавий ижодий кайфият бардавом бўлсин, устозлик мақоми ҳеч сўнмасин, дея эзгу тилаклар билдириб қоламан.


Раъно ЗАРИПОВА,
Ўзбекистон Республикасида хизмат
кўрсатган журналист.

Дунёни мехр қутқаради

Сардоба сув омборидаги фалокат юз берганига икки ой бўлди. Ўтаётган ҳар бир кун сирдарёликларнинг иродасини, имон-эътиқодини, сабр-бардошини, халқимизнинг қон-қонига сингиб кетган юксак инсоний фазилатларини, меҳр-оқибатини синовдан ўтказмоқда. Мен бўлиб ўтгандарнинг жонли шоҳиди бўлиб, воқеаларни ўз кўзим билан кўрдим. Уй-жойлари бузилиб кетган, бир умр яшаган гўшалари сув остида қолган юртдошларимизнинг кўнглини кўтариш, уларга қийин дамларда суюнчиқ бўлиш, ташвишини бўлишиш учун, уларга кўмаклашиш учун бутун Ўзбекистон оёққа қалқди. Ушбу синовли кунларда халқимизга хос бўлган одамгарчиллик, меҳр-шафқат, инсоний муҳаббат каби эзгу туйғулар уларни мashaқ-қатли вазиятлардан омон олиб ўтганига гувоҳ бўлдим. Зеро, инсониятни, дунёни меҳр-муҳаббат қутқаради.

Шу нарсани алоҳида таъкидлашни истар эдимки, одамлар бир-бирига суюниб, бошига тушган фалокатни, мashaқатли кунларни енгиб ўтар экан. Воқеа содир бўлган дастлабки кунларда талафот кўрган маҳаллалар, аҳоли пункtlари, қишлоқлардан Гулистон ва Янгиер шаҳарлари, Мирзаобод туманидаги бир қатор коллежлар ва болалар боғчалари, Жizzах вилоятининг Жizzах, Гагарин шаҳарлари, Мирзачўл ва Пахтакор туманларига зудлик билан эвакуация қилинган юртдошларимизнинг ҳузурига тонг сахардан етиб борамиз, уларнинг ҳолидан хабар оламиз. Бутун вилоят аҳли – ким кийим-кечак, ким озиқ-овқат маҳсулотлари билан юртдошларимизнинг ҳузурига ошиқади.

Бир куни Янгиер шаҳридаги педагогика коллежи биносига кўчириб келтирилган юртдошларимиз ҳолидан хабар олгани вилоят Кенгаши депутати Гулчехра Жонжигитова билан етиб борсак, коллеж ҳовлисида бир нуроний онахон турибди-



лар. Биз у кишининг исмини ҳам сўрамабмиз. Ҳол-аҳвол сўрашиб, кимни қидираётганини сўрасак, шундай жавоб қилдилар:

– Ҳеч кимни қидираётганим йўқ. Бу фалокатни эшитиб йўлга тушиб келавердим. Самарқанд шаҳриданман. Жабр кўрган юртдошларимга кўрпа ва кўрпачалар, чойшаблар олиб келувдим. Опасингилларимизнинг кунига ярар деб. Кимга топширишни билмай, ҳайрон бўлиб турибман, – онахон машинанинг салонига тахлаб қўйилган бир тахлам кўрпа ва кўрпачаларни кўрсатди.

Кўзларимизга ёш келди. Онахонни бағримизга босдик, миннатдорчилигимизни билдиридик. У кишини жабрланган опасингилларимиз ҳузурига бошладик.

Шу куни Ўзбекистон Ёзувчи-

лар уюшмаси раиси, Ўзбекистон халқ шоири Сирожиддин Саййид раҳбарлигидаги озиқовқат, ширинликлар, китоблар карвони етиб келди. Биз уларни кутиб олиб, озиқ-овқат маҳсулотлари, ширинлик ва китобларни Янгиер шаҳрига кўчирилган 1300 дан ортиқ аҳолига тарқатдик. Болажонларга китоблар совға қилдик. Улар билан сұхбатлар уюштиридик.

Сув омборида ушбу ҳалоқат бўлиб ўтгандан буён ҳар бир кунимиз шу зайдада кечмоқда. Мамлакатимиз пойтахтидан атоқли санъаткорлар, ижодкорлар, машҳур олимлар, адиблар ҳар куни Сирдарёга ташриф буюрадилар. Биз уларни кутиб олиб, уларга ҳамроҳ бўлиб, жабрдийда юртдошларимизнинг ҳузурига йўл оламиз. Кун бўйи улар билан мулоқотда бўлиб, қайфиятларини кўтариб уйга қайтамиз. Хайрли иш

си, шоир Минҳожиддин Мирзо раҳбарлигидаги моддий кўмак карвони, Республика “Нуроний” жамғармасининг ташаббуси билан Ўзбекистон халқ ёзувчиси Муҳаммад Али, Ўзбекистон халқ артистлари Эркин Комилов, Ёқуб Аҳмедовлар сардобаликлар ҳузурига ташриф буюрган кунлар ҳамон ёдимда. Санъаткорлар ва адиблар сардобаликларнинг ҳузурида бўлиб, уларга яхши қайфият баҳш этдилар. Улар олиб келган озиқ-овқат маҳсулотлари ва китоблар болаларга тарқатилди.

Кечагина Тошкентдан Ёзувчилар уюшмаси вилоят бўлимига қўнғироқ бўлиб, бир гуруҳ ижодкор дўстларимиз шахсий жамғармаларидан ажратиб сирдарёликларга моддий ёрдам юбораётганликларини маълум қилишди. Биз улар юборган маблагни топширган Мирзаобод тумани “Навбаҳор” маҳалласида яшайдиган, уй-жойидан айрилган Дилмурод Мамасиддиқов бу эътибор ва меҳр-оқибатдан барча ижодкорларга чуқур миннатдорлигини билдириди.

Мухтасар қилиб айтганда, Сирдарёда ҳаёт ўз маромига тушиб бормоқда. Давлатимиз раҳбари ўша машъум воқеадан сўнг Сирдарёга тўрт марта ташриф буюриб, ҳар келганида “Ҳеч бир инсон, ҳеч бир оила эътибор ва ғамхўрликдан четда қолмайди”, – деб тъкидлайди. Ҳар бир ташрифида сардобаликлар, оқолтинликлар ва миরзаободликлар билан учрашиб,

уларнинг кўнглини кўтаради, мулоқотда бўлади. Давлатимиз раҳбарининг ғамхўрлиги ва ташаббуси билан Сардоба, Оқолтин ва Мирзаобод туманларда 10 мингга яқин иш ўринлари яратишни кўзда тутган янги лойиҳалар ишлаб чиқилди. Эски, кўримсиз қишлоқлар ўрнида замонавий, шаҳар типидаги кўркам қишлоқлар қад кўтара бошлади.

Ташвишли, таҳликали кунлар ортда қолди. Сирдарёликлар бир-бирига суяниб, қўлни-қўлга бериб, бир-бирига ҳамкор, мададкор бўлиб, қаддини тиклаб олди. Барча вилоятлардан ёрдамга келган, бугун Сирдарёдаги бунёдкорлик қурилишларида иштирок этаётган ҳамюртларимиздан миннатдормиз. Жорий йилнинг 20 июнь куни 400 нафар вилоятнинг кўнгилли ёшлари “Янги Сирдарёни биргалашиб

қурамиз” шиори остида Сардоба, Оқолтин ва Мирзаобод туманларидағи қурилишларга жўнаб кетдилар. Сирдарёнинг фарзандлари мана шу синовли кунларда элнинг корига ярашга бел боғлаганлари, бунёдкорлик ишларига ўз ҳиссаларини қўшишга қарор қилганиларидан мамнунмиз. Зоро, кимсасиз саҳрова боғу бўйтонлар яратган Сирдарё халқининг фарзандлари ҳам ота-боболарининг бунёдкорлик ишларини давом эттирадилар, деб ишонамиз.

**Ҳаётхон ОРТИҚБОЕВА,
Ўзбекистонда хизмат кўрсатган маданият ходими**



қилсанг, кимнингдир кўнглини кўтарсанг, кимгадир яхшилик қилсанг, чарчаши ҳам унтар экансан. Зотан, юртдошларимизнинг бошига ташвиш тушиб турганида ҳеч биримизнинг чарчашига, толиқишига, лоқайд бўлишга ҳаққимиз йўқлигини ҳар лаҳзада ҳис қилиб турамиз.

Республика маънавият ва маърифат маркази раҳбари, Олий Мажлис Сенати аъзо-

КАФТИДА МУЗЛАРНИ ЭРІЙТАН ОНА...

Хуринисо ая Нурматжонини ҳар куни телевизорда кўрадиган бўлди. Унга узоқ тикилади. “Боламнинг кўзлари киртайгандайми, дам олмаган кўринади, ҳорғинроқ”. Яна “Боши омон бўлсин, эл ташвиши осонмиди?” деб ҳам қўяди. Дунё аҳлини шу кунда безовта қилиб турган тождор вирус деган хасталик туфайли анчадан буён кўришолганлари йўқ. Шифокор ўғли ҳар замон, ҳар замон сим қоқиб ҳол-аҳвол сўраб туради. Етти фарзандининг ичида шуниси бошқачароқми... Жуссаси кичик бўлгани билан тиришқоқ, чайир, териси юпқа – таъсирчан. Пана-панада шеърлар ёзиб юришини ҳам сезган.

Айланайин айвонидан,
Осмонўпар нарвонидан.
Эл корига яраган,
Нурматжондай половонидан.

Бешик қучиб шу тарзда алла айтганига ҳам кўп йиллар бўлибди. Оналарнинг ўзи боболик мақомига етди. Бугун шу боласининг ўзи боболик мақомига етди.

“Онани яратмасин”, деб қўйишади оналарнинг ўзлари. Чунки бу зотларнинг зиммасида бир мashaқ-қатли юк бор. Фарзанд дунёга келтириш, сўнг унинг тарбияси. Донишмандларнинг айтишича, дунёга келган чақалоқнинг ҳаммаси бир-бирига жуда ўхшайди. Фақат улар тарбия билангина бир-бирларидан фарқли инсонлар бўлишади. Хуринисо ая ҳам етти фарзандга она бўлди. Болаларининг отаси Сотимињёз Атабеков зиёли инсон эди. Кўп йиллар мактабда директор бўлиб ишлаганлар. Болаларнинг кичиклигидаги даврнинг ўзи бир давр экан. Кетма-кет туғилган болалар оналарни ҳаракатчан қилиб қўяр экан. Қишлоқдаги энг сўлим, гўзал ҳовли уларники эди. Райхонлару жамбиллар, атиргул, намозшомгуллар, синдирма гуллар, гултоҷихўрзолар шу дараҷада дид, тартиб билан экилардики, кўрганинг кўзи қувнарди. Айниқса, ҳовлининг икни четига қатор зич қилиб экилган тут дараҳтларини кўрган одам ҳайратланмай қолмасди. Сабаби уй бекаси уларни каллаклаб шундай шакл берардики, унинг тут эканлиги учча-мунча одамнинг хаёлига келмасди. Ҳамишишоқлари тутларни манзарали дараҳт, деб бир-бирлари билан баҳс бойлашиб келиб қўриб кетгандари ҳам бўлган. Аслида ўсимликларни, жоноворларни, табиатни яхши кўрган одам улкан қалб эгаси бўларкан.

Хуринисо Атабекова аслида ҳаёт мактабининг зехли ўқувчиси бўлди. Умр йўлдошини етмиш йил бошига тож қилди, ярим пир деб билди. Уйдаги раҳбарнинг ўрнини, иззатини болаларига англатди. Сарышталик, ширинзабонликни касб қилди. Гулзор-



дан хуш бўй таралади. Рисоладаги оиласда эса яхши инсонлар камолга етади.

У ҳам ўқишини орзу қиласади. Бироқ Тошкентдаги театрлардан бирида ишлайдиган энг катта акаси актёр Ҳидоятулла Аҳмедов синглисисининг ўқишини истамайди. (Балки, ўша пайтларда қиз бола она бағрида бехавотирроқ бўлгани учундир). У киши 1939 йили урушга кетиб, етти йил жангу жадаллар ичида юради. Уйига хат ёзганида ҳам синглисисини ўқишига юбормасликни тайинлайди. Урушда кўп марта яраланиб, қатор жанговар орден-медаллар билан уйга қайтаётганида, она қишлоғига жуда яқин қолганида йўлда вафот этади. Шу-шу сингил акаси истагига садоқат сақлайди.

Шу Нурматжонининг туғилиши қизиқ бўлган. Каттаси уйда туғилган эди. Бунисида қўшини қишлоқдаги туғуруқхонага олиб боришиди. Ўғил кўрганини эшитган ота хурсанд кетди. Учтўрт кундан сўнг доялик қилган Аня исмли рус аёл: “Бугун сенга жавоб берамиз, мана телефон, эрингга айт, олиб кетсан”, деди. Телефон нима эканини билмаган Хуринисо ҳайрат билан уни қўлига олди. Аня айтиб турди, Хуринисо у кўрсатган жойга гапирди: “Бизга жавоб беришиди, келиб бизни олиб кет”.



Уйга келишди. Отанинг қовоғидан қор ёғарди. Хуринисо ҳайрон. Сўнгра астагина бунинг сабабини сўради. Хўжаси жаҳл билан деди: “Телефонда нега мени “сен”сирадинг”. Аёл изтиробга тушди: “Сизни “сен”сираб ўлибманми, қачон?” Сўнг доя аёл айтиб турган сўзлар ёдига тушиб ўшани тақрорлаганини айтди. Унинг телефонда биринчи марта гаплашиши эди-да. Аёлининг соддалигидан хўжаси роса завқланган эди. Хуринисо ая тез-тез бетоб бўлиб қолар, шифохонага тушарди. Бот-бот ётиб қолганида болалари “Ойи, нега ётибсиз?” деб сўрашарди. “Тобим йўқ, юролмаяпман, – дерди уларга. – Сизлар яхши ўқинглар, элга нафи тегадиган инсон бўлсаларинг, мен яхши бўлиб нетаман”. Болалар астойдил дарс қилишга тушиб кетишарди. Ҳар бирининг ўз қизиқиши, ўз истеъоди бор. Шеър ёзадигани қайси, спортчиси, илмга қизиқадигани қайси. Хуринисо ая ана шу болаларининг ҳар бирига алоҳида: “Сен энг яхшимсан, сени кўпроқ яхши кўраман”, дерди. Аммо бирини биридан ортиқ кўрган эмас.

“Кўп болалик оиланинг фарзандлари бир-бирини етаклаб катта қилиб олади”, дейишса ҳам, ҳар бир хонадон болалари вояга етгунича ота, айниқса, онанинг қалбида неча бор тўфон туриб, неча бор тинади. Вақти келиб, кулиб эсланадиган воқеалар ҳам бир пайтлар онанинг кўзидан бир қатим нурни олиб, чехрасига бир неча чизиқлар ташлаши мумкин.

... 1968 йилнинг февраль ойи эди. Тизза бўйи қор ёққан. Эрталаб ўтлатгани қўйиб юборилган жониворлар шом тушгач ҳам қайтмади. 12 ёшли Нурматжон укаси Арзимат билан жониворларни кўрага қайтариб олиб келгани эшак миниб йўлга тушишди. Аммо эшакларнинг қорнигача чиққан қор, қалин туманда иккала бола адашиб кетишади. Тонг отиб, кун ботади. Ака-ука уйга олиб келадиган йўлни йўқотиб қўйишади. Энг ёмони,

улар қуюқ туманда чиябўри галасига дуч келишади. Оч йиртқичлар болаларнинг эшакларининг думларини узиб олишади. Ака-уканинг қўлидаги қамчилар уларга эргашган чиябўриларни уравериб, титилиб кетади.

Хуринисо ая остонаяга чиқиб, бот-бот қорни сидириб тупроқни кафтида тутиб туради.

– Тупроқ яхламаган демак, ўғилларим ҳам яхлаб қолмаган. Худойим уларни асрар, яхшиларга дуч қил! – дея илтижо қиласарди ая. Илтижолари ижобат бўлиб ўғиллари саломат бағрига қайтди. Хуринисо ая умрини, бор меҳрини шу дунёда топғанлари, кўз нурлари – фарзандларига баҳшида этди. Оилада ҳамиша мўътадил иқлим яратади. Эл боласига таълим-тарбия беришга умрини бағишилаган педагог Сотимниёз домла билан 70 йил бирга умр кўришди. Ҳамма фарзандлари ўқимишли, меҳнаткаш, фидойи инсонлар бўлиб етишишди. Хуринисо ая фарзандлар ардоғида. Етти фарзанди униб-ўсиб, ўзларидан кўпайишяпти. 120 дан зиёд невара, чевара, эваралар қуршовидаги онахон меҳр оғушида. Сотимниёз домлани ўтган йили 93 ёшида тупроққа қўйдилар. Искандар, Гулмат ўғиллари бугун отаси ишлаган мактабда ўқитувчилик қилишади. Уларни “Ота чироғини ёқиб ўтирган зурриётлар”, дея эл иззат қиласади.

Биз ҳикоя қилаётган Хуринисо ая Кўлкент қишлоғининг дуогўй, пири бадавлат онахонларидан. Ҳар дуосида “Нурматжоним” деб тилга оладиган фарзанди эса қишлоқларидан биринчи чиққан тиббиёт фанлари доктори Нурмат Атабеков бўлади.

Эл хизматига фидойи фарзандлар берган оналарга шарафлар бўлсин.

**Маматқул БОЗОРБОЕВ,
Ўзбекистон Журналистлар уюшмаси аъзоси.**



Хосияттың бұлай, сүзині бұлайын

Хосияттың иسمини эшитишсиз из болан қүлогимиз остида қүнгироқдек овози жарандылай бошлады:

**Хосияттың бұлай, сүзинг бұлайын,
Насибаси түкис қызынг бұлайын,
Күйлардан тикилған күзынг бұлайын,
Ёқутдай товланай мұнчоқларингда...**

Ва бу овоз қозирғы шаклы – “ёқутдай мұнчоқлук” күришиидан “Ягона Ватан” күренишига ўтганида ҳам, “Иккى дунёда битта Самарқанд” бўлиб янграганда ҳам ёки ишқининг изтироблари, ёнишларига қўшилиб ловуллаганда ҳам ўз самимияти болан, ҳаяжони болан ўқувчини севдиради. Уни бежизга Ўзбекистон халқ шоюри, жаннатмакон устозимиз Зулфияхоним “Хосият менинг суюкли, жүшқин илхомли шоирам”, дея иссиқ сўзлар билан алқамаган. Халима Худойбердинеадай забардаст шоура ҳам “Ишқи Хосияттадай тавсифлаш қийин”, дея тан бергани ҳам бугун ҳәёттинг етмиси минг чигириклидан бутун чиқиб донишмандлик фаслида ҳам чақнаб, чарақлаб ижод қиласетган шоиранинг ҳавасларга лойиқ имконларини кўрсатади. Хосияттың илк шеърий туркумлари Саодат” да чоп этилган. Ва у бир умр шу нашрға садоқатли муаллиф бўлиб келяпти. “Дарёдан қатра”, “Турналарим”, “Ватан ягонадир” “каби тўпламлари шуҳрат қозонганды ҳам, “Ўзбекистонда хизмат кўрсатган маданият ходими “унвони, “Мехнат шуҳрати” ордени билан тақдирланниб, муаллималик, журналистик, шоирик хизматлари шарафланганда ҳам ҳамиша “Саодат” билан бирга бўлди. Журналимизнинг Самарқанддаги вакиласи сифатида нашримизни фаол таргивот қилишидан тўхтамади. Ёш ижодкорларни журнал минбарига олиб чиқди. Самарқандлик опа-сингилларимизнинг ибратли шиларини кўп бор Хосияттың қаламида элга суюнчидик. Бугун ҳам Хосият Бобомуродова “Саодат”га елкадош. Гўзал тилакларимиз, оташин табрикларимиз Сизга бўлсин! Бахши боболаримизнинг қудратли руҳияти кўчиб ўтган элсевар қўнглингизда шеърият чашмалари қайнайверсин. Она, буви, устоз мақомида эришган иззатингиз бардавом бўлсин!

Яхшилардан мерос қолган, оти, сифати ўзига ярашган “Саодат” ҳам ҳамиша Сиз билан бирга, қувончингиз, муваффақиятларингизнинг ҳамроҳи эканини айтишдан баҳтиёрдир!

БОШИГА ИШ ТУШСА БИР БЎЛГАН ХАЛҚМИЗ

Бахт ҳам, баҳтсизлик ҳам алмашиб келар,
Сув сел бўлса, кўпирли, тошиб келар,
Бирор гул, бирорлар гап ташиб келар,
Ҳар не келса енгиди, қир бўлган халқмиз,
Бошига иш тушса бир бўлган халқмиз!

Оби раҳматингдан гул кўкаради,
Мехр берсанг чўккан дил кўкаради,
Дуо қипсанг бори эл кўкаради,
Дуолари кўкда нур бўлган халқмиз,
Бошига иш тушса бир бўлган халқмиз.

Бир майизни қирққа бўлиб еганлар,
Ёвига ҳам омон бўлгур, деганлар,
Бошига қилич келса, тикка турганлар,
Кучининг сабаби сир бўлган халқмиз,
Бошига иш тушса бир бўлган халқмиз.

Офат келмиш, ниқобингни кий, дейсан,
Бир муддатга ҳой ҳавасни кўй, дейсан,
Ҳечқиси йўқ, кўпга келган тўй дейсан,
Истияфорлар айтуб, жўр бўлган халқмиз,
Бошига иш тушса бир бўлган халқмиз.

Ҳайқургим, ҳам ёнгим, тутагим келар,
Заиф жойларингни бутагим келар,
Сўз айтуб бурчимни ўтагим келар,
Шоир - Хосияттың вўр бўлган халқмиз,
Бошига иш тушса бир бўлган халқмиз.

Қадок кўлларингни кўксингга кўйгин,
Алномишдан мерос тўйингини кийгин,
Бир-бирингни Аллоҳ сүйгандай сүйгин,
Кўлда ош, қалбида қўр бўлган халқмиз,
Бошига иш тушса бир бўлган халқмиз.

УМИД

(Ўалим Жалолиддиннинг хотирасига)

“Отанг келганга ўхшайди”, деди ўғли Ѓдгор-га Ойбарчин.

“Алпомиш” достонидан.

Шамоллар шивирлаб бир гаплар айтар,
Қара, болам, бугун ботмай турар кун.
Үн тўрт пудлик ёйни ердан ол, кўтар,
Отанг келганга ўхшайди, Баҳриддин!

Зиндоиданам чуқурмикан мозори,
Бир арқонга арзимади қирқ жоним.
Қиёматга қадар кетмас озори,
Отанг келганга ўхшайди, Маржоним!

Ё, отам деб кўтар ердан камонни,
Бошингни тик тутгин, турма, болам тек.
Қойил қўлгин, сени эзган замонни,
Отанг келганга ўхшайди, Жасурбек!

Кушиб ётган бағринг ерлардан кўтар,
Жуфтидан айринган ойим, тўлиним.
Охири кўринмас гамлар ҳам ўтар,
Ёринг келганга ўхшайди, келиним.

Ёлгизман деб ўяверма, кўксингни,
Бошларингдан кетар бўлди кўргулик.
Етар, етти ўйл қон ютдинг ўксини
Уканг келганга ўхшайди, Улуғбек!

Тоги кетиб, боши эгик гулларим,
Ҳар томонга сочилган жуфт изларим.
Ҳар зарбадан титраб турган дилларим,
Аканг келганга ўхшайди, қизларим!

Тургин, энди, ёмон йиқилган бўлсанг,
Шукур қил Аллоҳга, қил яхши ният.
Кечирмайман сени, етган чоқ ўлсанг,
Ўзлинг келганга ўхшайди, Хосият...

* Баҳриддин, Маржона, Жасурбек – Жалолиддинимнинг фарзандлари

Икки кун йиғлади бошланган маҳал,
Бу кузнинг қўзлари тўладир намга.
Ғамлари кувончга ўхшарди аввал.
Энди кувончлари ўхшайди гамга,

Аввал япроқларни бир-бир учирив,
Куёш кула-кула кузатар эди.
Камалакка бодаю май ичирив,
Хароб кўнгилларни тузатар эди.

Бошлари айланган булут- карахтлар,
Кўзларидан тинмай тўқар жолалар.
Япроқларин ҳали бермай дараҳтлар,
Ҳали ҳосилини йиғмай далалар,

Совуқ томчиларни тўқар этаклаб,
Совуқлари сира очирмайди қўз.
Умримга етмишини келар етаклаб,
Мени йивлатолмай йивлайтган куз...

ЙЎЛИНГ БЎЛСАМ МАЙЛИМИ, ВАТАН

Сенинг киминг бўлай, суйганим, Ватан,
Ишқида жон қадар куйганим, Ватан,
Тўйларингда атлас кийганим, Ватан,
Бошимга тожим деб қўйганим, Ватан!

Юрсанг аршига қадар сени етказсам,
Офтобдан ўтказсам, ойдан ўтказсам,
Кўлингга жилов деб сочим тутқазсам,
Равон ўзлинг бўлсам, майлими, Ватан?

Жаҳон бўйлаб ҳилпиратсам, тувингни,
Гулханларга айлантирасам чўзингни,
Ёвга билдирамасам бору йўзингни,
Узун кўлинг бўлсам майлими, Ватан?

Зулмат гўша бўлса нур экиб чиқсам,
Баҳорда боғларга дур экиб чиқсам,
Тош дилларга довур шеър экиб чиқсам,
Ўтқир тилинг бўлсам майлими, Ватан?

Кум босса қумларни босиб кўкарсам,
Оролингга зилол сувлар чиқарсам,
Ердамга кўклардан булат чақирсам,
Оддий чўлинг бўлсам майлими, Ватан?

Тўрт фасл бағрингни тўлдирысам, тўлсам,
Минг- минг новдаларга ўзимни илсам,
Кузлар юлиб олса, поингда ўлсам,
Дона гулинг бўлсам майлими, Ватан?

Эрким сўрасалар қололмам тоқат,
Мени қул қололмас ҳатто муҳаббат,
Беармон дунёда фақат ва фақат,
Сенинг кулинг бўлсам майлими, Ватан?

“Телевизорда онангнинг йиғлаганини кўрдим”, – деган дугонасиға:
– Сен бошқа аёлни кўргансан, менинг онам
йиғламайди, – дебди набирам Камолаҳон.

Ҳа болам, катталар йивламайдилар,
Кўз ёшин кўрсатмас, кичкиналарга.
Қалбини гам тоши турса ҳам босиб,
Ийл қўймайди, кўз ёш, кек, гиналарга.

Кучлиларга айбодир, ожиз кимсалар,
Ожизлигин ногоҳ сезиз қўйсалар.
Ўзига тенг кўриб сўраса аҳвол,
Елгон ҳамдард бўлиб, ёлгон куйсалар.

Мен йивласам юлдуз, ойлар йивлайди,
Баҳорлар қон ютиб олиб кетар бош.
Мен йивласам ҳеч ким овуттолмайди,
Сизлар кулиб юринг, деб тўкмайман ёш.

Йивласам умримдан ортиқ гамим бор,
Қайтиб туролмайман бир тушсам чўкка.
Сизларнинг қаддингиз эгилмасин деб,
Қайгулар қошидан ўтаман тикка.

Қараб турганида бир этак болам,
Озми, кўп муҳлислар ҳам бўлса яна.
Уларга йивлашни ўргатаманми,
Мен ахир шоирман, мен ахир – она...

Ўзбекистон Қаҳрамони, Ўзбекистон халқ ёзувчиси Сайд Аҳмад таваллудининг 100 йиллигига



Ўзбекистон
Қаҳрамони, Ўзбекистон
халқ ёзувчиси Сайд Аҳмад “Уфқ”,
“Жимжитлик” каби романлари, “Келинлар
қўзғолони”, “Кўёв” каби комедиялари,
қатор лирик, ҳажвий ҳикоялари билан
адабиётимиз хазинасига катта бойлик
қолдирган ёзувчиларимиздан бири.

Адиб асарлари ўқувчини танти,
содда, оққунгил, меҳнаткаш халқимиз
ҳаётига олиб кириб кетади. Уларда
гоҳ кулгили, гоҳ маҳзун воқеалар
аро кечирган кунларимизнинг ёрқин
манзаралари намоён бўлади. Бу
манзараларнинг ҳар бири унутилмас
сабоқлар борлиги билан аҳамиятлиdir.
Кўйида эътиборингизга Сайд Аҳмад
ва Саидахонимдан қолган ёдгор
қизлари Нодирахоннинг хотираларини
ҳавола қилар эканмиз, бу эсдаликлар,
осон бўлмаган ҳаётларига муҳаббат,
садоқатлари билан нур берган бу
жуфтлик ҳақидаги тасавурларимизни
тўлдириши, шубҳасиз.

Дадам, ойим ба мен

Дадам “Уфқ”нинг иккинчи китобини ёзаётган пайлар эди. Ойим дадамнинг кайфиятини бузмаслик учун кўчада бўлаётган ҳар хил гапларни, миш-мишларни етказмасликка ҳаракат қиласди.

Дадамнинг бир одати бор, бирон нарсадан диққат бўлиб қолса, диққатбозлиги босилмагунча бирон сатр ёзолмасди. Шунинг учун ҳам ойим уни суютирадиган гапларни айтарди. Дадам мутлақо ёзмай қўйган, оғайнилари билан вақтими бекор ўтказаётган пайларда, Худо кечирсин, деб дадамга ёлғон гапиравади:

—Faфур акани кўрган эдим, “Бурунбой” нега ҳеч нарса ёзмаяпти, бунаقا қилса, союздан ўчирившорман, деяптилар.

—Абдулла ака телефон қилдилар, кечагина чиқкан болалар ундан ўтиб кетяпти, айтиб қўйинг, адабиёт дангасаликни ёқтиримайди. Ёзмаса, бошқа тирикчилик қилсан, дедилар.

Дадамга бу гаплар хуш ёқарди. Чиппа-чин ишонарди. Кўчага ҳам чиқмай, берилиб ёзишга тушиб кетарди.

Дадам кечаси билан ишлаб, тонг пайтида ухларди. Кечаси ойим билан икковимиз дадамнинг иш кабинетидан эшитилиб турган машинка товушига қулоқ солиб ётардик. Ойимнинг мана бу сатрлари ўша пайтда ёзилганди:

Эшик тирқишидан бир гизик ёниб,
Офтоб бўлиб кириб, ёритар хонам.
Машинканг тиқиллар, тўхтайди баъзан,
Биламан, текяпсан, текяпсан улаб.
Кошки оғиб қўйса, деб деразани,
Камроқ текса-зи, деб бўламан хуноб,
Хонангни тутундан поклаш дардида
Бедор ўтираман сендан нарида.

Дадам тонготар пайтида ухлашга ётарди. Ва, албатта, ойимга хат ёзиб, столга қўярди:

“Саидахон, илтимос, қўллэzmани ўқиманг. Устидан бир кўз югуртириб, албатта, ўзим ўқиб бераман. Ҳар эҳтимолга қарши қўллэzmани сиз тополмайдиган жойга бекитиб қўйдим. Қидирманг, барибир тополмайсиз”.

Дадам қўлёзмасини печка дудбуронинг ичигами, менинг ўйинчоқларим солинган қутичанинг ичигами яшириб қўярди. У эртасига қўлёzmани таҳир қилиб ойимга ўқиб берарди. Ойим, фалон жумланинг ўзи яхши эди, бекор тузатибсиз, деганда, дадам, ия, ўқиганмидингиз, деб сўрарди. Шунда ойим, хотин кишининг уйига нарса яшириб бўладими, деб куларди.

Олтмишинчи йилларнинг охирлари бўлса керак, дадам жуда берилиб "Уфқ"-нинг охирги китобини ёзаётган эди. Дадам саҳарда ётганича, кундуз соат ўн иккиларгача ухлаб оларди. Шундай кунларнинг бирида почтаци бир даста газета-журналларни ташлаб кетди. Ойим "Шарқ юлдузи"-ни варақлай бошлади. Ичайдан чойи ҳам совиб қолди. Берилиб ниманидир ўқирди. Кейин уйдан қайчи олиб чиқиб, журналдаги боя ўқиётган мақолани жуда эҳтиётлаб қийиб олди. Синчиклаб қараган одам журналнинг шу жойидан мақола олиб ташланганини билолмасди ҳам. Кейин журнал охирдаги мундарижа босилган саҳифани ҳам ииртиб олиб ташлади. Менга қараб, дадангага айтма, деб тайнинлади.

Ойим ииртиб олган мақола "Уфқ"ни атай бадном қилиш учун қандайдир гараз билан ёзилган мақола эди.

Дадамнинг одатини мен ҳам билардим. Бирон нимадан диққат бўлиб қолса, қўли ишдан совиб, мутглақо ёзмай қўярди.

Роман "Шарқ юлдузи"да босилган эди. Ойим телефон қилиб, Ҳамид Фуломга шундай дегани эсимда:

– Журналнинг ўзи романни босиб, энди ўз деразасига ўзи лой чаплаяпти.

Дадам бу мақолани кўрмадиам, билмадиам, ўқимадиам.Faқат яқинда уйимиз тъмирланаётганда ўша мақола топилди. Дадам ўқиб, кулиб қўя қолди.

Бофимизга меҳмон кўп келарди. Саратон авжига чиқсанда, ҳатто, ҳашаматли боғлар курган раислар ҳам салқинлагани бизникига келардилар. Бутун Избоскан ва Андижон туманида шу жойдан ортиқ салқин жой йўқ эди.

То тушликкача тўрт-беш қоғоз ёзисб олмаса, кейин ишлаб бўлмасди. Шунинг учун ойим сўри билан уйимиз оралиғидаги шафтоли тагига кичкинагина курси қўйган, мен дадамга қоровул бўлиб ўтирадим. Дадам чарчаб ёнбошласа, дарров, ойи, дадам ётди, деб хабар қилардим. Дадам шошиб яна машинка босишга тушиб кетарди.

Ойим сувга, чархпалакка қараб ўтириб, мана бу шеърни ёзганди:

*Жазира мақоланинг олов дақиқалари
Бир мажнунтол тагида роҳатга айлангуси.
Олманинг тарам-тарам тиниқ ҳақиқларига
Офтобнинг етти рангин ҳаммаси жойлангуси
Бўтана сувлар оқса ялпизларни тортқилаб,*



Қалқиб-қалқиб кўринса қовункоса пўстлоги,
Капалаклар уғиши алвон рангни орқалаб,
Хез жойдан тополмасман ҳордиқнинг дурустрагин.
Оқ яктақ, оппоқ соқол голлар силкиниб кулса,
Лорсиллаб кетгусидир сувга қурилган сўри.
Лабда қимтиб узилган узумдан бол тўқилса,
Соқолларда товланар қуёшининг етти ранги...

.. Қошига лойқа қўнган бир тўда болакайлар
Үрдак палапонидек сувга урса ўзларин,
Хаёлларидан ҳозир кўтарилимиши хоккейлар,
Қорайган юзларida ийлтиллайди кўзлари.
Ненидир тутуб кетди қалдирғог бир шўнгисида,
Анжирга кўзин тикиб хилват пойлар заргалдоқ,
Деҳқоннинг яхна гойи сувда турар гойдишида,
Шимирсангиз, бадандан сизиб гиққуси гаргоқ.

Бир куни қоқ туш пайтида салқинлангани Избосканнинг машҳур раислари Тиллабоев, Суяров, Фозиевлар келишди. Шунда Тиллабоев бир гап айтганди:

– Бофингиз биз ҳам дам оладиган жой бўлиб қолди. Айтинглар, шу жойга биз ҳам бирон нима қуриб берайлик. Чорпоями, шийпонми...

Ойим у кишига босиқлик билан жавоб қилиди:

– Абдусамат ака, биз бу жойни Тошкента игна билан қудуқ қазиб, тонготар мижжа қоқмай ишлаб топган пулларимизни дарёлардан, тоғлардан ошириб келиб қурганимиз. Келинг, шу уйга... - Ойим бүёғига нима дейишини билмай туриб қолди. Чамамда, ҳаром пул аралашмасин, демоқчи бўлди, шекилли.

– Келинг, бегона пул аралашмасин. Сиз катта колхознинг раисисиз. Узумзорларингиз, анжирзорларингиз бор. Келаётганда битта қовунни қўлтиқлаб, ё бир товоқда анжир олиб келсангиз, бошимиз кўкка етади.

Ойим бу гапни билиб айтган экан, кейинчалик бир амалдорроқ ёзувчи (у ҳозир ҳам тирик) бу боғни раислар қуриб берган, деган гап тарқатиби. Ойим бу гапдан ниҳоятда газабланди. Ёзувчилар уюшмасининг партия мажлисида титраб-қақшаб гапирди:



— Сизнинг хотинингиз Қримда, Қора денгиз соҳилида офтобда ётиб баданини қорайтирган бўлса, мен Андижонда, Қорадарё бўйида саратон офтобида гувала қуиб қорайганман. Сизнинг хотинингиз ательемодда бичиқчига инжилик қилаётганда, мен саккизинчи март базмига дурустроқ кўйлагим йўқлигидан боролмай, қизимнинг кўзига термилаб ўтирганман...

Бу гапларни мен қаёқдан биламан? Ойим мени уйда ёлғиз қолдирмасди. Мажлисларга ҳам ўзи билан олиб борар, мен ташқарида қолиб, журналми, китобми варақлаб ўтирадим.

Ойимга тез-тез ҳужум бўлиб турарди. Ҳозир қирқ йилдан кейин яхши асар деб баҳоланганд “Сўқмоқлар” қиссанинг бошида калтаклар синган эди. Бу асар ҳатто собиқ марказком бюросида ҳам муҳокама қилиниб, “зарарли асар” деб баҳоланганди. Қиссани ҳозир ўқиганлар, ия, буни Саида бугун ёзганга ўхшайди, дейишяпти. Бундай ҳаётий қиссани фақат аёл ёзувчигина ёзиши мумкин, деб баҳолашяпти.

Етмишинчи йилларнинг бошларида эди, чамамда, ойимнинг “Соч” деган шеърини унга билдирамай муҳокама қилишган. Шеърда қизларимизга соч ярашиши, уни кесмаслик керак, деган маъно чиқарди. Муҳокама эса уни «зарарли асар» деб холоса чиқазганди.

Ойим наҳотки, мендан яшириб муҳокама қилишса, деб хуноб бўлди. Собиқ марказкўм бўлим мудири ташкил қилган мажлисда Тошкентдаги жами газеталарнинг бош редакторлари қатнашган эди. Ойим мажлис қатнашчиларидан бирига, шу шеърни ўзингиз босиб чиқариб, индамай бош эгиб ўтиредингизми, дегани эсимда.

— Қандоқ қилай, катта жойда ишласа, гапини қайтариб бўлмаса, — деганди у.

— Йўқ, айтинг, шу шеърда қандоқ зарарли гап бор?

— Йўқликка йўғ-а, энди катта даргоҳнинг гапи гап-да...

Шу шеърни ҳалигача тополмаймиз. Мабодо топсак, бир шеърий тўпламини шу шеър билан бошлаймиз.

Ойим, истиқол замонида Ўзбекистон Қаҳрамони бўлган дадам тўғрисида, уларнинг синов тўла ҳаёти ҳақида ёзаверсам, катта китоб бўлиб кетади. Ушбу мақоламни ойимнинг сатрлари билан тугатаман:

Мен ёзсаму у ёзмаса, гўё эдим гуноҳкор,
У мақталса, мен қувондим эсланмаган кезларим.
Аёллигу оналиқдан мушкул, ширин нима бор,
Ота-бала ўртасида талош бўлди ҳисларим.
Кундуз демай, оқшом демай, яна демай ёзу қиши
Согиндимми, ҳамроҳ бўлди Андижон йўлларида.
Қадрдонлик, дўстлик шундай орамизда урди ниш,
Бўстон бўлди богим-ҳовлим ҳавасманд қўлларида.

Нодира САИД АҲМАД қизи.

Изтироб

ХИКОЯ

Бугун ишдан барваңт бүшаб, жүралари билан улфатчиликни роса жойига күйгөн, кайфи чоғданда чоғ, билган-билимдеги қүшигини үзиче секи-и-н хиргойи қылганча бир-бир босиб, уйига қайтаётган Юсуфбой йўл бўйидаги болалар боғчаси ёнидан ўта туриб, кутиб турган ота-оналари олдига шодон қийқиришиб, бири-биридан шошилиб чиқиб келар болаларни кўриб, бирдан тақа-так тўхтади ва уларга қараган кўйи серрайиб туриб қолди.

Жажжи болакайларнинг “дадажон, аяжон” деган шўх-шодон чақирив-чорловлари қулоғидан кириб, юрагига санчилди. Қанча турганини билмайди, кайфи тарок бўлди, эшиттириб айтар биргина сўзи: “Бола-а-м” бўлди...

“Уҳ” торта-торта, ортга қайтиб, тез-тез юриб борар, манзили – кўшни маҳалладаги, бундан етти йил бурун ўзи куёв бўлиб сузилмиш уй бўлди. Бироз йўл юриб, таниш уйга яқинлашган сари оёклари судралиб, бир-бир босар бўлди. Ичидаги бот-бот такрорланмиш “болам-болам” сўзи далда бўлиб, собиқ қайнота-қайнонаси эшиги зулфини секин-аста урап бўлди.

Олтмишини қораламиш қайнонаси: “Ким?” деда эшикни кия очиб, анча вақтдан буён қорасини кўрсатмаган собиқ куёвига қараб, ҳайрондан-ҳайрон бўлди. Ийманиб ҳам секингина айтган гапи:


- Келинг, болам, келинг. Сизга ким керак? – бўлди.
- Юсуфбойнинг бир дам тили лол бўлди.
- Болам, Юнусжоним, – деди, сўнг тутилиб:
- Бир кўрсам, майлими? – деда кўз ёши шашқатор бўлди.

Буни кўрган қайнонанинг ҳам кўнгли бузилмиш бўлди, лабини тишлаб оҳиста айтари: – Болам, Юнусжон аяси билан кетган-ку, – демиши бир гап бўлди. Юсуфбойнинг бўғзидан “Аа-а..” деган хирқироқ бир товуш ситилиб чиқиб, каловланиб сўрагани “Қаёққа, нега кетади?” деган савол бўлди.

Мулойимдан-мулойим “қайнона” ўзини гунохкор тутгандай: – На илож тақдир экан, Ойимхолни эрга бердик, эри билан келиб боласини ҳам олиб кетди, – деган бўлди.

Юсуфбой бир бўзарди, бир гезарди, сўнг кўзда ёши гилтиллаб, аяга мўлтираб: – Манзилини айтинг, болам-болажонимни бир кўрай, – деди аранг...

“Қайнона”нинг гапидан Юнусжонининг ўз аяси ва ўгай отаси билан ўзга юрга доимий яшашга кетганилиги аён бўлди. Юсуфбойнинг алами – олти, ситами – саккиз бўлди. Бола соғинчи бағрини беҳад эзар, изтироб кўнглини буткул титкилар бўлди.



Фамнинг юки оғирдан-оғир бўлди. Мунгайиб туриб қолган Юсуфбой бирдан ўзининг кичрайиб, қариб қолганини ҳис қилди. Энтикиб-энтикиб нафас олди. Ўзини бирзум ўғлининг ўрнига кўйиб кўрди. “Болам бугун кимга сигинди, кимнинг кўлига, кўзига мўлтираб туриди”, деган азоб кўкайини куйдирар бўлди.

Чораю иложисиз уйи тараф қараб судралиб борар Юсуфбой худди кўргошиндай оғир бир ўй сурар, охирги марта боласини қачон кўрганини эслар бўлди. Унда ҳали Юнусжони эндигина беш ёшга қадам кўйган бўлиб, шўхдан-шўх, шириндан-ширин бола эди.

Яна ёдига келгани, аччиқ устида “уч талоқ” кўйиб, Ойимхолнинг жавобини бергани, боласи “дадам-дадам”, деда йиглай-йиглай онасига эргашиб кетгани, кейинчалик ота-онаси, маҳалла-кўй, маҳкамам-суд яраштириш учун кўп урингани ўларга: “Ҳаёт меники, фақат ўзим биламан, ўзим ҳал қиласман”, деган ўта нодон-худписанд жавоби бўлди.

Энди эса...

Энди Юсуфбойнинг фифони фалак бўлди, ўшандада шу аклим қайда эди, мен ҳали бургага аччиқ қилиб, ўз кўрпамни ёқдимми, деда, болам бегона уйда, бошқа бирорни ота деб ўсарми, улгаярми, деда... бағрини тузлар бўлди.

Жўяли бирон-бир сабабсиз хотинни хайдаб, ўзини боласидан, боласини ўзидан айирганига мингдан-минг пушаймон еб, соғинчу аламдан хўрлиги келиб, бўзлар бўлди:

*Сабр нима билмайин, жаҳл отини ўзгитган,
Мехр нима билмайин, ўз баҳтини тўзгитган,
Изгин тортдириб сени, бугун ўзи қон ютган,
Сени ўйдан қувмайин, отанг ўлсин, боламов...*

Холмўмин ЁДГОРОВ,
юридик фанлари номзоди.

Бир умр отамнині күзларига қараб яшаган...

Ишхонамизга кириб келган кишининг қадди-бастини күриб, "Жуда ўшаркан", деган фикр бирдан хаёлимдан ўтди. Аслида одамнинг кейинги ҳәёти фарзандларининг умрида яхшаши рост гап. Бир қугоқ суратлар ва азиз хотиралар билан бизни йўқлаган камтар, хушгақзак, овози ўқтам бу инсон юридик фанлари доктори, профессор, Ўзбекистон Қаҳрамони, Ўзбекистон халқ артисти Зикир Мұхаммаджоновнинг фарзанду аржуманди Омонулла Мұхаммаджонов эди.


Кўплаб роллари, театр ва кино санъати йўлидаги улкан меҳнати ва фидойилиги билан халқимиз меҳру муҳаббатини қозонган санъаткор Зикир Мұхаммаджоновнинг оиласи, саҳнадан тушиб, уйига боргандада у ҳам ҳамма қатори ота, елқадош ва суюнчиқ турмуш ўртоқ бўлғанлиги кўпчиликка қизиқ. Айниқса, бир умр машҳур, эл ардоғидаги санъаткорнинг турмушидаги хотиржамлигини, орасталиги, фарзандлари камолини таъминлаган муштипар аёлнинг меҳнату машаққатини билиш, англаш осон эмас. Зоро, ҳар қандай баҳтли ва омадли эркак ортида битта жон-фидо аёл туради, деган фикр бежизга айтилмаган.



Омонулла ака билан сұхбатимиз уларнинг волидаи муҳтарамалари, айни кез 98 баҳорни қаршилаган, беш ўғил ва бир қизни дунё келтириб, вояга етказган Машкура ая Иброҳимова ҳақида бўлди.

— Оналик ҳам буюк бир унвон, — дейди Омонулла ака сұхбат бошида. — Дунё яралидики, у энг азиз, энг улуғ, муҳтарам ва меҳрибон зот тимсоли сифатида улуғланади. Хусусан, кўхна Шарқда аёл доимо эъзозу эътиборда бўлиб, унинг оналик мартабаси ва шаънини ҳимоя қилиш орият мезони саналади. Муқаддас китоблару Ҳадис каломларида опасингилларимизнинг азиз номи зикр этилиб, унга ҳурмат-эҳтиром кўрсатиш лозимлиги битилган. Бу бежиз эмас, албатта. Болалик дамларими эслаганимда ўчоқ бошида, тандир ёнида биз учун жони ҳалак бўлган, қўлидан игна, капгир тушмаган, юзларидан нур ёғилиб турган мунис волидаи муҳтарамамни тасаввур этаман.

Ота-онам мен учун ибрат, садоқат ва матонат тимсоли бўлган. Улар турмуш қурғанларидан кейин етти йил фарзанд кутишган. Бу айтишгагина осон. Айниқса, ҳозирги замондаги айрим бесабр қайноналар, жizzаки ёшлар учун бу катта фурсат. Ота-



онамнинг ўзаро меҳри, садоқати туфайли Яратган кетма-кет ўғиллар ато этган. Сўнгра отажонимнинг қувончи, она-гинамнинг иқболи бўлиб опам Феруза дунёга келди. Афсуски, у оиласизнинг қайғу-ғами бўлиб, 5 ёшида фожеали вафот этди. Уни ҳаммамиз яхши кўрар, айниқса, дадам бошқача меҳр билан эркалатар, еру кўкка ишонмасди. Богчадан ҳам қизганиб уйда бувимларга топшириб катта қилишаётганда, фожеа рўй берган. Яна бир оғриқли томони, адам шу пайтда театрга бориб, “Фурқат” спектаклида роль ижро этишлари керак бўлган. Санъатга, томошабинга шу қадар юксак ҳурмати боис, жанозадан кейин саҳнага чиқиб, ўз ролларини маҳорат билан ижро этиб келганлар ва ҳам-касларига бўлган воқеани билдирганлар... Бундай ишга, муҳлисларга садоқатдан ҳамиша ўрнак олса бўлади, деб ўйлайман.

Санъаткорларнинг оиласи ҳақида эл орасида ҳар хил фикрлар юради. Аммо мен ўз оиласизда вафо ва садоқатдан бошқа ҳиссиётларни кўрмадим. Онам дадамнинг аёл ҳамкасларини ўз туғишганларидай эъзозлар, қариндошдек бордикелди қиласдилар. Кимдандир раشك қиласи, падари бузрукворим бундай нохушликка имкон яратганини эслай олмайман. Ўйлайманки, мунисаннинг ардоғи, ишончи асли покиза бўлган отамнинг ҳамиша, ҳар доим софлик, ҳалоллик доираларида мустаҳкам, собит яшашига сабаб бўлган.

Биз ҳовлида яшардик. Ота-онамиз бизнинг сира бўш қолишимизга имкон қолдириласдилар. Томорқадаги ишлар – экин-тикин, товуқларга қараш, эчки боқиши каби юмушларни дарсдан сўнг бажаардик. Онам яхшиги на чевар эдилар. Уруш йилларидан бошлаб салким чорак аср давомида Тошкентда-

ги Бадиий тўқимачилик фабрикасида меҳнат қилганлар. У пайтларда ҳозиргилик кийим-кечаклар қаерда дейсиз, меҳрибоним кийимларимизнинг ҳаммасини, деярли, ўзлари тикиб берардилар. Синглимдан кейин уларга тиргак бўлишга, уйда қиз йўқлигини билдириласликка акаларим билан ҳаракат қиласдилар. Ота-онам ҳар биримизнинг олий маълумот олишимиз, зиёли, маданиятли шахс бўлишимизга алоҳида аҳамият қаратарди. Акам билан Москвада ўқиб юрганимизда ойим бизга ўз қўллари билан кулча, бўғирсоқ пишириб бериб юборардилар. Уларни энг қувонтирган нарса ҳам шу эди, аслида. Яъни, биз фарзандларнинг илмий унвонлар олганимиз, дипломлар кўтариб келган кунимиз жуда қувониб кетар, бағриларига узоқ босиб, кўзимизга меҳр билан тикилиб дуолар қиласдилар.

Дадам билан ойим 72 йил бирга тутув яшашди. 1941 йили оила қуришган бўлса, ўша йили Алишер Навоий таваллудининг 500 йиллиги нишонланаётган пайт экан. Дадам бир гуруҳ ижодкорлар билан Москвага – улуғ шоир ҳаётига бағишлиланган кинони суратга олишга боришаётган бир пайтда Иккинчи жаҳон уруши бошланниб, ортига қайтишган экан. Айтмоқчиманки, ота-онамнинг оила қуришлари улуғ ижодкорнинг таваллуд кунлари арафасида бўл-



ган. Бугун уч нафаримиз ҳуқуқшунос, тибиёт ва юридик фанлар соҳасидаги профессорлармиз, келинлар тибиёт фанлари номзоди, набиралар АҚШ, Буюк Британия ва Италия давлатларининг нуфузли олий ўқув юртларини якунлаб, ҳозирда турли ташкилотларда фаолият олиб боришишмоқда. Икки набиралари фан номзодлариидир. Яқинда қиз набиралардан бири хорижда ўтказилган халқаро бир танловнинг голибаси бўлганини эшишиб, ойим шу қадар хурсанд бўлдиларки, юракларида синглимиз армони билан боғлиқ ғам аригандек бўлди, назаримда. Куни кеча хонадонимизга бир гуруҳ раҳбар аёллар келиб, волидамни “Мўътабар аёл” кўкрак нишони билан тақдирлашди. Бу эътибор ва эътирофдан барчамиз, айниқса, онам жуда қувондилар.

Мен ўзимни энг баҳтили инсон деб айта оламан. Волидамиз муборак асрни қаршилаб турибдилар. Бир умр кўнгил одами бўлмиш отамни парваришлаб, кўзларига қараб яшаган жаннатим, бизни ҳалоллик, садоқат туйгуларига эътиқодли қилиб тарбиялаган онагинамга ва шу қатори барча Оналарга яхшиликлар тилайман.

Наргиза АСАДОВА сұхбатлашди.

ХАЛОЛ МЕҲНАТ ИБОДАТДИР



Саҳар – шудринг ердан кўтарилилмасдан далага келиш одати бор. Баргларми, қиёқлардан “кўзча”лардек ярқираб боқсан шабнамларни силкитиб тупроққа туширишни хуш кўради. Шундай қилса, гўё гўзами ё буғдойми ёки тутларни илдизи билан боғлаётгандек, яна ҳам тўғрироғи, илдизи билан поялари, барглари орасига йўл солгандек, улар бир-бирини эшитаётгандек, бир-бирига хабар йўллаётгандек...

Қашқадарё вилояти Қарши тумани “Қора қуччи” фуқаролар йигини ҳудудида фаолият олиб борувчи “Қурбонов Лочин Ҳамидович” фермер хўжалиги раҳбари Ибодат Аҳмедованинг тонглари бир-бирига ўхшаса-да, кундузларининг заҳматлари ранг-баранг кўриниш олади.

Саҳарнинг сут рангли ёйилмаси ичida юриб, битта-ярим-

та “уйқучи” күшларнинг кечиккан саловатини тинглаб юриб ҳам дехқон зеҳни бетиним ишлайди.

Сал дўнглиқда униб қолган гўзанинг ранги кетгани ёки янгидан барг ёзаётган тутларга ўралишга шайланган чирмовуқларни илгайди. Опанинг изини совутмай етиб келган ишчилари:

– Бизнинг ҳам икки кўзимиз далада-ю, сиз кўрганни кўрмабмиз, – дея қизаришишса, Ибодат опа уларга қаттиқ гапирмайди. Ишдан ишчиларини орқага итаргиси келмайди:

– Бундан кейин ҳушёрроқ бўлинглар, – деб қўяди-да чорвасигами, пилласигами йўл солади.

Ибодат Аҳмедова бундан 15 йил муқаддам мана шу ўзини, ишчиларини боқаётган, қолаверса, элу юрга ризқ бераётган 50 гектар ерини тендерда ютиб олган эди. Ерининг эни-бўйи ўлчови шу турища турса ҳам, ҳосилдорлиги ошди. Нафақага чиққунича Қарши туманидаги 18-умумтаълим мактабида математика фанидан сабоқ берган эди. Ер олиш, дехқончилик қилиш фикри аввал ўғли Лочинбекдан чиқди.

– Она, ёлғиз қўл бўлсангиз, битта нафақангиз билан тўртовимизни қандай қилиб касб-корли, уй-жойли қиласиз? Мактабда ишингизни давом эттирангиз ҳам, биз сизга ёрдам бера олмаймиз. Шундай бир иш топингки, биз ёнингизга кирайлик, – деди.

Опага ўғлининг гапида жон бордек туюлди. Ўзи раҳматли онаси Тансиқ момо ҳам ҳаётлигига:

– Одам битта ишнинг этагига ёпишиб олмаслиги керак. Насибаси қаёққа сочилишини билмайди. Шундай экан, ҳар бир кишининг чўлдами, йўлдами нон берадиган қўшимча ҳунари бўлиши

керак, – деб кўп айтарди. Ибодат опа маҳаллада котибалик қилганида, болаларга дарс берганида ҳам она-сининг, ўғлиниңг айтганларини хаёлидан қочирмади. Ва ҳаммаси бир бўлиб уни шу далаларга етаклаб келди.

– Ҳамма жабҳада бўлганидек, дехқончиликнинг ҳам машаққатлари бор, – дейди фермер опа бизнинг касб сир-асрорлари ҳақидаги саволимизга жавоб бераркан. – Айниқса, ўзимизга боғлиқ бўлмаган қийинчиликлардан кўпроқ безовта бўламиш. Мана, бу баҳор 12 апрелгача чигит экишни тутатдик, ҳаммаси рисоладагидек, деб суюниб юрганимизда кучли сел келиб, 4 гектар еримизни заарлади. Ишонасизми, иложи бўлса, ўша ерни боламдай опичлаб, табибига олиб борсам, даволатсам, дардига дармон топсам, дедим. Аммо бунинг йўли йўқ... Ибодат опа худди ўша гўдак тишидай бўртиб тупроқни ёриб келаётган чигитларнинг оқиб кетган лаҳзаларини эслагандек овози титрайди.

– Ҳа, майли, буям бир синов. Катта йўқотишлардан худо асрасин!

Ибодат опа ўтган йиллар ичida неча бор бундай “Ҳа, майли”ларни айтди экан. Лекин ростдан шукронаси кўп. Чунки “бисмиллоҳ” ни айтиб пахта, буғдой экса ҳам, ипак қурти боқиб, чорва кўпайтиrsa ҳам,

биор марта унга ишониб ер берганларнинг олдида юзи қизармади. Мана, бу йил 51 тонна ўрнига 65 тонна буғдой топширди. Режадан ортганини 9 нафар доимий ишчисига ҳақ сифатида тақсимлади.

– Тўкилганга Яраттан ҳам хазинасидан тўкиб туради, – дейди юзлари ёз офтобида қизарган Ибодат опа мамнунлик билан: – Шукур, шу меҳнат орқасидан Сардор, Шердор, Лочин, Нафиса – тўрт фарзандимни ҳам олий маълумотли қилдим. Нафиса Мўминовани танирсиз, машҳур шахматчимиз. Фуурланиб қўяй, ўша қиз менинг келиним бўлади...

Қалам аҳли ҳаёлпараст бўлади, биласиз. Ибодат Аҳмедова Бахмалой ... яна қайсиdir исмларига “оӣ”, “гул” қўшилган ишчилари ҳақида тўлиб-тошиб гапирап экан, бугун буғдойи ўрилиб, хирмон бўлган, фўзлари пушти, оқ гуллаб, бўлиқ ҳосилдан дарак бериб турган “Қурбонов Лочин Ҳамидович” фермер хўжалигининг келажагини тасаввур қиласман. Ахир, оиласда ҳуқуқшунос, иқтисодчи, муаллим, шахматчилар бор, зиёли хонадон. Демак, эртага бу дехқончиликдан (қолаверса, фарзандлар маошидан) келган даромадлар эвазига хусусий кутубхона, боғча ёки мактаб, тўғарак очилар... Фикримни эшитиб, Ибодат Аҳмедованинг ёруғ чехраси янам ёришиб кетади.

– Ҳар қандай ҳақиқат ҳаёлдан бошланади. Ҳозир ҳам даромадимиздан хайрия қилиб, уч-тўртта камхарж оила фарзандларининг ўқиши учун шартнома пулини тўлаб беряпмиз. Талабаларимиз ҳам бағримизга янги foялар билан қайтса, ажаб эмас, дехқончилигимиз маънавият, маърифатга қўшилиб кетса, – дейди опа. Бир шоирнинг шеърида “Ихлос билан қилинган меҳнат ҳам ибодатdir”, деган сатрни ўқиган эдим. Бу сатрлар исмида, фаолиятида эътиқод, беоромлик, бедорлик, ҳиммат бор бу аёл ҳақида ҳам айтилаётгандек, гўё.

Қутлибека РАҲИМБОЕВА



ОКИБАТИ ОФИР ИШ

Ўзбекистон халқ ёзувчиси Тоҳир Маликнинг “Саодат” журналининг жорий йил илк сонидаги “Қарғиш” ҳикоясини ўқир эканман, бир умр сеҳр-жоду жабрини тортган мушфиқ онам кўз олдимга келди. Ҳикоя ўтказган зуғумлари, уларни ўлдириш мақсадида қўғирчоқлар бошига игналар санчиб қилган сеҳр-жодуси ҳақида эди. Воқеалар ривожи бегуноҳ болаларга ёмонликни раво кўрган аёлнинг фожеали ўлими билан якун топади ва шундай бўлиши ҳам табиий эди. Негаки бундай ҳаром ишларнинг оқибати оғир бўлишига ҳаётимизда етарлича далиллар бор.

Сеҳр-жоду жафосини менинг онам кўп тортган, хўб тортган. Онамнинг бундай қабих ишларга ихлоси бўлмаган, “мулла-бахши”ларга зинҳор-базинҳор қадам босиб бормаган. Бироқ покиза руҳияти илиа ўзига қилинаётган сеҳр-жодулар таъсирини сезган, ҳаммаси тушларида аён бўлиб турган. Онаги нам келинлик даврида кўрган тушини кечагидай таъсирили қилиб ҳикоя қилиб берарди: “Бир куни десанг, тушимда менга фалончи пиёлада нимадир узатди. Мен уни сув, деб сипқориб қўйибман. Аммо у сув эмас, заҳар экан. Шунда “Оҳ, мени ўлдиринг, ўлдиринг”, дей жон берибман. Эртасига ўнгимда даданг ишдан келиб, ҳеч қандай гап-сўзсиз: “Уйингга кет, мен сени талоқ қўйдим,” деган. Мен бу гапдан оғзим очилиб, қотиб қолганман. Кечагина мени эъзозлаб, ўтқазишга жой тополмай юрган жуфтити ҳалолимнинг бу иши менга жуда оғир ботган. Иложисиз қолиб, ота-онамнинг уйига айбсиз айбор бўлиб кириб борганман. Бироқ бу ерда қандайдир кучларнинг таъсири борлигини англаб турардим. Қолаверса, тушимда бу ҳақда аёнлик берилганди. Айтганимдай, орадан бироз вақт ўтиб, даданг ўзига келиб қолган, кейин кечирим сўраб, қайтадан никоҳ ўқиб мени олиб кетган”.

Онамнинг оилавий турмушида бундай қўйди-чиқдилар бот-бот такрорланади.

верган. Жонидан ортиқ кўрадиган жуфти ҳар замонда бекордан-бекор тўнини тескари кийиб олаверган. Бечора онам икки эшик орасида овораи сарсон бўлиб юраверган. Илму амаллар таъсирида онамнинг туғилган фарзандлари турмай, бирин-кетин нобуд бўлаверган. Навжувон келинчакнинг изтироблари дунёни тутган ва жон-жаҳди билан бу иллат билан курашиш йўлига ўтган. Курашганда ҳам, қайтарма қилдирман, деб фолбинлар эшигига бош суқмаган. Фақат ўзини ҳимоялаш йўлларини излаган. Бувим билан бориб, ўзини Эшон боболарга ўқитиб турган. Шундан сўнг Аллоҳнинг инояти билан ота-онам қатор аҳли солиҳ фарзандлар кўришган. Оилада беш фарзанд яйраб-яшнаб вояга етдик. Аммо онамга ёмонликни раво кўрганлар баҳт кўчасидан ўтолмадилар, фарзандларига ҳам “иссиқ-совуқ” билан баҳт қасрини қуриб беришолмади. Фақат жигарлар ўртасида оқибатнинг оқсан қолгани ёмон бўлди.

Ёшлигимда онамнинг сеҳр-жоду билан боғлиқ бундай маҳзун-маҳзун ҳикояларини юрагим эзилиб тинглардим. Муштипар онамга озор берганларни ёмондан ёмон кўриб кетардим. Бироқ ўзим ҳам умр бўйи бу жафони тортишимни хаёлимга ҳам келтирмасдим. Минг афсуски, вояга етиб катта ҳаётга қадам қўйибманки, сеҳр-жоду жабрини тортаман. Ўзининг дардлари энди менда янгиланганини кўрган раҳматли онам изтироб билан: “Салима, доим шунаقا ёмон одамларга дуч келиб қоламиз-а”, дегани эсимда. Доно халқимиз: “Ёмонга ёндошма”, деган иборани бежизга айтмаган. Ёмонга тилингиз тегмаса ҳам, мушугини “пишт” демасангиз ҳам, унинг сиздан бошқа иши йўқ. Айбингиз – кўнглингиз, кўлингиз очиқлиги, шу боис йўлларингиз очиқлиги. Унинг эса ичи тўла қоп-қора ҳасад, касби - бузғунчилик, шундан-да йўллари ёпиқ, ишлари тескари.

Аслида эса фозила устозимиз Турсуной Содиқова “Дилдаги дур” китобида ёзганидек, душман ҳамиша тараққиётга етаклади.

Ислом дунёсининг буюк олими Шайх Мұҳаммад Содиқ Мұҳаммад Юсуф одамлар орасида фолбинга борадиган, фолбиннинг айт-

**ДОНО ХАЛҚИМИЗ: “ЁМОНГА
ЁНДОШМА”, ДЕГАН ИБОРАНИ БЕЖИЗГА
АЙТМАГАН. ЁМОНГА ТИЛИНГИЗ
ТЕГМАСА ҲАМ, МУШУГИНИ “ПИШТ”
ДЕМАСАНГИЗ ҲАМ, УНИНГ СИЗДАН
БОШҚА ИШИ ЙЎҚ. АЙБИНГИЗ –
КЎНГЛИНГИЗ, КЎЛИНГИЗ ОЧИҚЛИГИ, ШУ
БОИС ЙЎЛЛАРИНГИЗ ОЧИҚЛИГИ. УНИНГ
ЭСА ИЧИ ТЎЛА ҚОП-ҚОРА ҲАСАД,
КАСБИ - БУЗҒУНЧИЛИК, ШУНДАН-ДА
ЙЎЛЛАРИ ЁПИҚ, ИШЛАРИ ТЕСКАРИ.**



ганини қиладиган ва фолбинга оид саволлар берадиганлар күпайиб кетганини инобатта олиб, ушбу долзарб масала бўйича рисола жамлаб, уни “Фолбинлик, сеҳргарлик, жинчиқариш ва ноанънавий даволаш каби ишларнинг бор ҳақиқати” номи билан нашр эттирган. Китобда фолбинлик, сеҳргарлик, мунажжимлик, жин ва жин тегиши каби одамларни ҳақ йўлдан чалфитаётган иллатлар ҳақида муқаддас китобларимиз асосида атрофлича фикр юритилади ва улардан сақлашиб, нажот топиш йўллари кўрсатилиди.

Муаллиф гуноҳга ботишнинг олдини олиш учун фолбинларга мутлақо мурожаат қилмаслик буюрилганини, мазкур маънавий жиноятларни қилувчилар нафақат охиратда, балки бу дунёда ҳам нуқсонга учраши ҳақида фикрлар билдирган. Зеро, озгинна тафаккур қиладиган инсон учун атрофга қараса, ҳаммаси кундай аён бўлади-ку. Ахир фолбинга баҳтини излаб ёки эрини меҳр-муҳаббатли бўлишини сўраб бораётган аёллар наҳотки, ушбу аёлнинг ўзи баҳтиқаро ёлғиз аёл эканлигини ёки уйи фурбатхона, ундан барча қариндош-уруғлари безорлигини билмасалар!?

Ёхуд иши юришиши талабида келганлар, агар иш юритиш шу фолбин-

нинг қўлида бўлганда, эшикка қараб одам кутиб ўтирасдан, аввало, ўзининг йўлларини очиб, олтин тахтлар қуриб олса бўлмасмиди?! Шунчалар илгир экан, кўримсизгина ҳовлида фақирона турмуш кечирмай, ўзига данғиллама қасрлар қуриб олмабди-да.

Шайх ҳазратлари Қуръонда бу ҳақда нозил қилинган 69-оятни келтиради: “Аллоҳ таоло “Тоҳо” сурасида бундай марҳамат қиласи: “Сеҳргар қаерда бўлса ҳам, зафар топмас”. Сеҳр ва сеҳргарлик ҳадиси шарифларда ҳам қораланган ва мўмин-мусулмон бандаларнинг бу ҳаром ишга мутлақо яқинлашмасликлари лозимлиги қайта-қайта таъкидланган”.

Китобда келтирилган қўйидаги яна бир ибратли савол-жавоб биз фикр юритаётган мавзу моҳиятини янада теранроқ англаб етишимизга имкон беради:

“Сеҳрнинг нақадар катта гуноҳ эканини у билан бир қаторга қўйилган улкан гуноҳлардан (гуноҳи кабиралардан) ҳам тушуниб олиш мумкин.

Абу Ҳурайра розияллоҳу анхудан ривоят қилинади:

“Набий соллаллоҳу алайҳи ва саллам: “Етти ҳалок қилувчидан четланинг”, дедилар.

Одамлар: “Улар нималар, эй Аллоҳнинг Расули?” дейишиди. У зот соллаллоҳу алайҳи ва саллам:

“Аллоҳга ширк келтириш, сеҳр, Аллоҳ ҳаром қилган жонни ўлдириш, рибоҳурлик, етимнинг молини ейиш, уруш куни қочиш ва ғофилла, мўмина, покиза аёлларни зинода айблаш, дедилар”.

Эътибор беринг-а, ҳатто одам ўлдириш ҳам ундан кейинга қўйилган. Чунки сеҳргарнинг жамиятга етказадиган зарари одам ўлдиришдан ҳам каттароқдир. Албаттa, бундай улкан гуноҳ қилган кимса охиратда жазосини тортади.

Улуг ёзувчимиз Тоҳир Маликнинг ҳикояси сабаб сизлар билан анча диллашиб, сирлашиб олдик. Азиз умрини исломий маърифат таратиш йўлида баҳшида қилган миллатимизнинг буюк алломаси Шайх Муҳаммад Содиқ Муҳаммад Юсуфни эслаб, ҳақларига дуолар қилдик. Бу дунёда яхшилик ҳам, ёмонлик ҳам жавобсиз қолмаслигига, ҳар бир ножӯя ҳаракатимизга жазо муқаррар эканлигига иймон келтирдик. Ўзини ҳурмат қиладиган, шахсий такомили устида ишлайдиган, иймон-эътиқодли инсонлар атрофида бўладиган бундай нолойиқ ишларга йўл қўймасликларига, улар қизлар ва келинлар, маҳалладошлар тарбиясида ҳушёр туришларига чин дилдан ишондик. Зеро, биз бор эътиборимизни ўқиш-ўрганишига, илм-фаннинг, таълимнинг ривожланишига, баркамол фарзандлар таълим-тарбиясига қарата олсаккина, дунёнинг энг тарақкий қилган жамиятига айланишимиз мумкин.

Салима ХОЛДОРОВА,
Навоий кон-металлургия
комбинати музейи раҳбари.



“Жавзо”, “Мағрура” каби қиссалари билан танилган адива Рисолат ҲАЙДАРОВА “Карантин” номли янги қисса ёзди. Бүтүн дунёни сергак тортирган пандемия билан боғлиқ таассуротларни бир оила мисолида тасвирлаган бу асадан бир парчани сизга илиндик.

КАРАНТИН

Қиссадан парча

Карантин Маликанинг кундалик одатларига ҳам ўзгартиш киришиб юборди. Ҳар кун эрта тонгда, ҳали қўшилари ухлаб ётганда ташқаридан ҳеч ким ушламаган бўлса ҳам, кўча эшик тутқичларига спиртли эритма пуркаб чиқади, резина қўлқоп кийиб, уйи бўсағасини, зинапоя майдончасини, зина тутқичларини хлорли сув билан ювади. Баъзида меъёрдан ошириб юбормадиммикин, деб ўйлайди-ю, кейин майли, эҳтиёт бўлган яхши, деб кўяди.

Қахва дамлаш учун сув қайнатаётib, интернетдаги хабарларни кўздан кечириб чиқади. Ортиқ тафсилотларга чалгимайди, фақат қисқа мазмунини ўқиди, ҳамма ахборот сайтлари очилиши билан вируснинг катта-катта қилиб ёзилган номи кўринади, телеграм, инстаграм, ижтимоий тармоқ, ҳамма ёқда ҳар куни вирус, карантин, “...юқтирганлар сони фалончага етди”, “вирусдан фалонча одам вафот этди”, бутун дунё фақат шу вирус номини айтиб уйгонаётгандек, шу вирус номи билан ўйкуга кетаётгандек туюлади. Охири хўрсаниб, қаҳвасини дамлайди-ю, диванга ўтириб, “Саодат”ни қўлига олади. Бир соатча ўқиди, кейин айвончага чиқиб, нонушта тайёрлайди, аксарият шу пайтда ўғлидан телефонига хабар келади, ўғли атиги учта сўз ёзади: “Ассоломалайкум, мен яхшиман”. Малика учун мана шу учта сўздан зиёдарақ ёқимли, ширин калом йўқдек, унинг бугунги, эртанги кунини мана шу учтагина сўз ёритиб тургандек кўзлари ёшланиб, дили тўлқинланиб кетади.

**- МЕН - АЁЛМАН. АЁЛ
ХАМИША ИЛОЖ ТОПА-
ДИ, ЭРКАК ДЕГАНИ ҲАР
НАРСАНИ ХОТИНИГА
ОРТМОҚЛАБ ҚУТУЛА-
ДИ. ЎЗИМ ИЛОЖ ТОПА-
МАН, ШУ ПАЙТГАЧА
ТОПГАНМАН!**

– Жавлондан хабар келди, – дейди эрига. – Яхши юрибман, деяпти.

Эрининг юзлари ёришиб кетади.

– Менга ҳам ёзди, – дейди у.

Холбуки, у электрон хатларнинг имкониятларини яхши билади, ёзилган битта хатни кўплаб манзилга кўп нусхада жўнатавериш мумкин, ҳатто бир кунда ёзиб кўйган хатини сон-саноқсиз кунлар давомида яна ўша кўплаб манзилларга жўнатса бўлади. Аммо ўғли хатни айнан ҳар куни тонгда, унга алоҳида, отасига алоҳида ёзадигандек туюлади, Малика шунга қаттиқ ишонади.

– Акангдан хат келди, – дейди нонушта пайти қизига.

Нигора мақтанди:

– Акам менга смайллик жўнатдилар! Опам кўрсатдилар.

“Э, Худойим, – ўйлайди у. – Битта кичкина нарса билан ҳам одамнинг бошини кўкка етказиш мумкин экан-ку!”

Шундай пайтларда ўзининг ҳар ишга улгуриш илинжида елиб-юрганлари, эътироф учун, нуфуз учун интилганлари бирам майда бўлиб кўринадиди...

...Эсида: ўғли кўричак бўлиб қолганда номзодлик ишининг ҳимоясига бориши керак эди. Эрта тонгдан сочиға жингала қиласидиган пластмасса найчаларни тақиб олган, атайлаб шу кунга тикирилган зумрад ранг кўйлагини кийим илгичга илиб, сотиб олинган нозик пошнали туфлисини кутидан чиқариб кийишга тайёрлаб кўйган, эрининг кечкурунги зиёфатда кийишига мўлжаллаб оппок кўйлагини, қоп-қора костюм-шимиини дазмоллаб кўйган, ошхонада шошиб нонушта тайёрларди. Жавлон ўрнидан тура солиб ҳожатхонага юрганини, ўқиби қайт қилганини кўриб ҳуши бошидан учди. Бора солиб, пешонасини ушлади: куйиб ётиби... “Энди нима қиласан? – йиглагудек бўлди у. – Келиб-келиб шу куни-я!”

Эрига ёлворди:

– Жавлоннинг мазаси йўқ, дўхтир чақириб, бола билан ўтириб туринг, мен ҳимоямга бориб келай...

– Эсинг борми, – аччиқланди эри. – Қанақа онасан ўзи?

Малика йиглаб юборди:

– Сиз-чи, сиз ота эмасмисиз? Қанчалик тайёргарлик кўрганимни биласиз. Лоақал шунақа пайтда сужанини ўйлайсизми?


– Ҳимоя ҳаёт-мамот масаласими ахир? Яна салга кечиктирса осмон узилиб тушадими?

– Шундоғам ҳимоям чўзилиб кетди-ку! Ўзингиз ёқлаб олдингиз-да, а? Нега ҳамма балога фақат мен рўпара бўламан? Институттуда сиздан яхшироқ ўқирдим, ўзингиз ҳар ишда мендан ёрдам сўрайсиз-ку, мақолангизнинг таҳририми, маърузангизнинг таржимасими, лекин менга ёрдам қилишни хоҳламайсиз! Нега?

Эри шунда иккى оғизгина гап айтди, холос:

– Сен – аёлсан.

Малика кўзларини катта очиб, эрига қаради-ю, бирдан йигидан тўхтади.



Рассом М. АБДУЛЛАЕВ

– Ҳа, тўғри айтасиз, – деди кўз ёшларини артиб. – Мен – аёлман. Аёл ҳамиша илож топади, эркак дегани ҳар нарсани хотининг ортмоқлаб кутулади. Ўзим илож топаман, шу пайтгача топганман! – Эрининг пиджагини илгичдан олиб узатди. – Борақолинг! Ишхонангизга кеч қолманг.

Эри унга анграйиб қараб турди-да, кейин елкасига пиджагини ташлаб индамай чиқиб кетди.

Малика астагина ёпилган эшикка қараб, яна йиглаб ўборди. Кўз ёшларини тиёлмай ўғлининг иссигини ўлчади, бечора боласи қорнини чанглаб гужанак бўлганини кўриб, “Тез ёрдам” чақирди. Кейин илмий раҳбарига кўнғироқ қилди. Раҳбари олди-кети невара билан тўлган кекса киши эди.

– Майли, майли, қизим, – деди. – Болангизга қаранг, химоя ахир бир кун ўтади-да, муҳими – диссертацияни ёзиб қўйгансиз. Ўзим бу ёқда ҳаммасини келишаман, хавотир олманг.

...Малика чошгоҳча касалхонада, ўғлини олиб кириб кетишган эшикка термилиб ўтириди. Эрининг шу пайтгача уни изламагани, ўғли билан қизиқмагани шу қадар алам қилдики... Ахир Жавлон фақат Маликанинг ўғлими? Кўзларига ёш тўлиб келаётганини сезиб, қўллари билан юзини тўусди-ю, бошини эгиб олди.

Бир вақт кимdir елкасига қўлини кўйди. Бошини кўтарди: эри. Малика ростдан ҳам сени кўярпманми, дегандай кўзларини катта-катта очди.

– Уйга қўнғироқ қилсан, гўшакни кўтартмадинг, хавотир олиб борсан, эшик ёпиқ...

– Қандай қилиб топдингиз бизни?

– “Тез ёрдам” бўлимидан сўрадим, шу касалхонани айтишибди.

Кўнгли тўлиб, хўнграб юборди.

– Қўйсанг-чи, – эри унинг елкаларини силаб юпатди. –

Бас қил энди... – Кейин хотинининг қулогига шивирлади:
– Сен... сочингдаги авави нарсаларингни ечиб ол.

Малика шошиб қўлини бошига теккизди. Сочидаги пластмасса найчалари билан келаверган экан...

...Ўшанда ҳимояси олти ойга кечикиб кетди. Ўн беш кун ўтар-ўтмас раҳбари қазо қилди, янги раҳбари ўтакетган инжик одам бўлиб чиқди, бутун ҳисоб-китобларини имиллаб, қайтадан текшириб чиқди, тайёр ишнинг тўртта бобини янгидан ёздириди. Малика ўша пайтда чеккан азобларини эсласа...

Шундай мушкул кунлардан қандай қилиб ўтган экан-а? Шунчалик кучи, иродаси бор эканми?

Хозир ўглидан дарак кутишнинг ўзигагина юраги сиқилиб кетяпти. Йўқ, бугунги куни аввалгиларидан оғирми ёки енгилми, Малика буни таққослаётгани йўқ. Уни бошқа ўй қийнайди: инсон бошига ташвиш тушмаган кун борми ўзи? Ўйлаб қараса, шу кунга қадар бир ташвишдан кутулиб, иккинчисига тутилиб яшабди! Бирон кун бегам, беташвиш, бамайлихотир ўтириб, шунчаки, оддий нарсалар ҳақида гаплашиш, масалан, об-ҳаво, пиширган овқати, болаларнинг ёқимли қилиқларинигина муҳокама қилиш мумкини? Нахот тирикчилик деган бу фидиракни тўхтатиш, ҳеч бўлмаса, уни бетафт даладан эмас, чиройли чаманзор оралаб ўтказишнинг иложи йўқ?

Эрталаб эри унга интернет хабарини кўрсатди.

– Икки киши ўлиби, ўқидингми? – деди.

Малика бош силкиди:

– Ишқилиб, қолганлар омон бўлсин, – деб кўйди. Кеча ёйган кирларини йиғишириш учун айвонча дерасини очиб, ташқарига эгилди.

Эри ичкари хонадан кўл телефонини олиб чиқди.

Кейин чойнакдаги иссиққина чойдан пиёласига қуйиб эрига узатди.
– Кел, ёнимда бирпас үтири, – деди эри айёрона қулимсираб. – Яқын келмаганингга ҳам аллақанча вақт бўлдими?

Малика жилмайди:

- Болалар уйғониб қолади.
- Мен сенга ёнимга кел, бирпас гаплашиб үтирайлик у ёқ-бу ёқдан, бирон-бир ёқимлироқ нарсани эслашайлик, деяпман. Гапни нега эгриликка бурасан? Мана пиёла, чой қуйиб берайми?
- Кўйинг-е, нега эгриликка бурай? – Малика юзлари ловуллаб кетаётганини сезиб, кафтларини чаккаларига босди.

Эри барадла кулди. Кейин пиёланни хотинига узатди:

- Ол, мен ҳам чой узатай сенга! Одамнинг ёши каттайгандан кейин эҳтирослари ҳам босилиб, кузги сувга ўхшаб сокин тортиб қолади, а? – Маликанинг елкасидан кучиб, бошига бошини тиради: – Қачон қарама, елиб-югурмиз, “унга улгуриш керак”, “бунга улгуриш керак” билан тонг отади-кун ботади, шунаңгি фаол бўп кетганмизки, оддийгина гаплашиб үтиришга вақт етмайди, ҳаёт “мана сенларга” деб уйга ўтқизиб қўиди, а? Ё карантинда нафасни ростлаб, у ёғига яна югуриб кетаверамизми?

...Чошгоҳга яқин телефон жиринглади. Малика капирни ташлаб, дахлизга югурди, гўшакни кўтарди.

- Салом алейкум! – дэя ҷўзилган овозни дарров таниди: Саъдулло!
- Ваалайкум ассалом, яхшимисиз? – деди истамайгина. Ўзи атрофа олазарак қаради: “Нигора қани?” Қизча тагин телевизорни қўйиб олган, ўнинчи мартадир, Харри Поттернинг саргузаштларини берилиб томоша қиласади.

- Нигор яхшими? – сўради Саъдулло.
- Дуруст. Нимайди?
- Хабар олиб телефон қиляпман. Нима, мумкин эмасми?
- Йўқ, нега энди? Ҳайрон бўлаётганим – неча замонлардан бери дарангизгиз йўқ эди-да.
- Вақт йўқ, тириклини... Синглийиз телефон қип турибдими?
- Шукур.
- Нигор нечанчи мактабда ўқиди?
- Мактабга чиққанда сизга айтувдим-ку.
- Эсимда борми?
- Нигорани чақирайми? Гаплашасизми?
- Кейин... Мактаби қаёқда?
- Тинчликми?

- Манга справка керак. Ёрдам олишга.
- Ёрдам?

– Мошинани рухсатсиз кўчага чиқармаётиди-ю! Таксицилик касод бўлди, хабариз бордир? Сигаретгаям пул тополмий қолдим-ку! Ҳокимиятта чиқиб, ёрдам беринглар, болам бор, десам, неччи ёш, қатта ўқийди, дейди. Справка оборсам, ёрдам олувчиларни рўйхатига киргизаркан. Қайси мактаблигини айтсайиз, ўзим бориб гаплашвараман.

– Мактаб ёпик ҳозир, борган билан ҳеч кимни тополмайсиз.

– Э, бу ёғи мани бошогрифим, хўпми? Гапни нега айлантирас? Сиздан ош-нон сўрадимми?

– Болани рўйкач қилиб ёрдам сўраш уят эмасми? Айниқса, ўзингиз ташлаб кўйган болани.

– Ман ташлаганим йўқ! Суд ўзи болани онасида қолдирган. Тўғрими? Болани ташлаган синглийиз, ё нотўғрими? ...нима бало қиб юрибди Туркияд? Ман ўзимни ватанимда ўзимни хукуматимдан ёрдам сўравомман. Мани ишсиз қип қўйдими, ёрдамниям берсин!

Шу пайт ётоқдан эри чиқиб келди-да, индамай Маликанинг қўлидан гўшакни олиб, хотинига “Нари тур!” дэя ишора қилди.

– Божа, – деди вазмин. – Ваалайкум ассалом! Тушундим... Хўп, мен ёрдам бераман. Йўқ, мактабига боришни маслаҳат бермайман, у ёқдаям ҳар хил одам бор, болангиз уялиб қолмасин. Мени олдимга келинг, ўша ёрдам пулинни ўзим бераман. Беғараз. Йўқ, ниятим холис. Нега? Нигоранинг отасиз, қариндошмиз, ахир! Хўп. Келинг.

Гўшакни кўйгач, нариги хонага мўралади. Нигоранинг берилиб телевизор кўришига бирпас қараб турди-да, хотинига “Бери кел”, дэя ишора қилиб, ётоқхонага кирди.

– Нега гапни кўлайтирасан? – деди эшикни зичлаб ёпаркан.

Малика лабини тишлади.

– Нигора эшитиб қолишини ўйламайсанми? Отасини ким деб ўйлайди кейин?

– Нигора – эслик қиз, – хўрсинди аёл. – Отасининг кимлигини билса керак. Еган калтакларини унутмагандир.


Эри уҳ торти:

– Зап гаройиб синглинг бор-да! Саъдуллога теккунча ҳамма ёқни ағдар-тўйтар қилувди, бермасанлар ўзимни у қиласман, бу қиласман, деб. Кейин бўлса: “Дод, ажрашгани қўймасанлар ўзимни у қиласман, бу қиласман”. Туркияга кетиши ҳам шу: йўлимни тўссанлар, ўзимни у қиласман, бу қиласман! Шунча одам бўла туриб битта сингилга кучларинг етмаса-я!

– Нима қиласай, айтганини қилдириб ўрганган!

Малика ортиқ бу ҳақда гаплашгиси келмаганидан:

– Саъдуллони келади, деб ўйлайсизми? – дэя сўради.



– Кўрамиз, – жавоб берди Пўлат. – Келса, пул бераман, келмаса... орқасидан қидириб бормайман.

Бир ҳафта бўлдики, Пўлат оқсоқолнинг илтимоси билан маҳалладаги хайрия ишларини ташкил қилишда қатнашади. Оқсоқол, аёли яқинда инфарктдан турди деб масъул котибини, уйида невараси чиллали деб маслаҳатчини безовта қилмасдан, бир ҳафтача ўзи уриниб юрди, охири қийналганидан, давлат идорасида ишлайди, бунақа пайтда фойдаси кўп тегади, дея ёрдам сўраб Пўлатга кўнғироқ қилди.

Ташкилий ишлар ҳақиқатан кўп эди. Пўлат, аввало эҳтиёжманд оиласлар рўйхатини қайтадан тузайлик, дея таклиф қилди, карантин сабаб ишсиз қолганларни ҳам, хасталик боис ётиб қолганларни ҳам рўйхатга киритиш, бериладиган ёрдам жўялик бўлиши учун эса ким нимага муҳтожлигини аниқлаш зарур эди. Пўлат бунинг учун маҳалланинг ёрдам хизматини йўлга кўйишга киришди. Эҳтиёжмандларнинг мурожаатини қабул қилиш учун алоҳида телефон рақами керак, дея масъул котибининг кўл телефонига янги сим-карта олиб беришб, уни уйида ишлашга ўтказиши. Уйларининг ҳар бир йўлагига, маҳалланинг кўзга кўринарлик жойларига ёрдам хизматининг телефон рақамлари катта-катта қилиб ёзилган кўрсаткичларни осиб чиқди. Шу ишлар билан андармон бўлиб юрган пайти Малика:

– Ўзингизни қийнагандан кўра маҳалламизнинг “Дарақчи”сидан фойдаланиб қўя қолмайсизми? – деб кулди. – Кимнинг уйидан нима гап ўтганини билиб олиб, ҳаммага ёйиб юрса... Баҳонада савобга ҳиссаси тегиб қолади! Унга шунақа-шунақа хайрлик иш киляпмиз, фалон рақамга кўнғироқ қилса бўлди, деб бир оғиз айтинг, ярим соатнинг ичидаги бутун маҳалла хабар топади-кўяди. Сизнинг кўрсаткичларингизни ким ўқииди, ким йўк?

Пўлат эса хотининг кулги аралаш айтган гапини жиддийга йўйди:

– Ўша қўшни кимнинг хотини? Мен эрини танийманим?

– Танийсиз, муюлишдаги вулканизацияда ишлайди.

– Э, Рихсивойнинг хотиними у? Ҳеч хаёлимга келмаганди-я...

– Ҳа, албатта хаёлингизга келмайди, уларнинг бири – боф, иккинчиси – тоғ.

Пўлат шу оннинг ўзидаётк Рихсивойга кўнғироқ қилиб, ундан “кеннойиси” шу хайрли ишга ёрдам беришини илтимос қилди, “кеннойи”, турган гап, йўқ демади.

Шундай қилиб, янги рўйхат бир куннинг ўзида тайёр бўлди. Хайрия қилувчилар эса аллақачон ишни ўзлари бошлаб юборишган эди, ким кўй сўйиб, гўштини тарқатган, ким исириқ тарқатган, ким дока ниқоб... Пўлат

энди хайрия қилувчиларнинг ташаббусини тартибга солишга киришди, чунки карантин шунчаки кампания эмас, узоқ давом этиш эҳтимоли бўлган зарурат, шунинг учун тушадиган хайрия ҳам, унинг тақсимоти ҳам расамади билан бўлиши керак, деб ҳисобларди.

Маҳалла имоми мачит биносини таъмирлаш учун тўплланган пулларни эҳтиёжмандларга дея маҳаллага топширганидан ибрат олиб, катта йўл бўйидаги басавлат тўйхонанинг эгаси идорага келди-да, исталган пайтда нима, қанча керак бўлса, айтинг, деб телефон рақамлари ёзилган зарҳал қозозчани қолдириб кетди, новвой Маҳмуд эҳтиёжманд оиласларга нонни белуп бераман, деди.

Ҳар куни кечқурун мастьул котиб кимдан қандай мурожаат келиб тушганини Пўлатга хабар қилар, Пўлат эса уларни компьютерида жамлаб, рўйхат қилиб ёзарди-да, кейин уни телеграмдан оқсоқолга узатарди.

– Бунақа пайтда давлатнинг ёрдамига кўз тикиб ўтиравериш ярамайди, – дерди оқсоқол. – Бир ернинг одамлари бўлсан, ҳарна ўзимизни эплаганимиз дуруст.

Шундай кунларнинг бирида кўчма бозор келадиган бўлди. Эрталаб оқсоқол кўнғироқ қилди:

– Ҳокимият ташкил қилди. Одамлар бозорга бориб юрмайди, шундок ҳовлидан олишади-кўйишида.

Кўп ўтмай, катта оқ фургон келиб, маҳалла билан уларнинг уйлари ўртасидаги йўлканинг қоқ ўртасида тўхтади.

– Бирон нарса керакми? – сўради Пўлат.

– Ҳа, ошга сабзи олсан яхши, кам қолувди.

Нигора дeraзадан пастга эгилиб қаради:

– Одамлар тўпланишяпти, вой-вуй!

Малика эрини кузатгач, дераза ёнига келди. Дарҳақиқат, фургон ҳали эшигини очмасидан одамлар тўдалашиб улгуришган, кўплар бир-бирларига гал бермай нималарнидир мухокама қилишарди.

– Қаранг, ана поччам! – қичқири қизча. – “Икки метр, икки метр” деяптилар. Нима деганлари бу?

– Тўдалашиб турманглар, орангларда икки метр масофа бўлсин, дегани. Одамлар шунақа қилиб бир-биридан узоқ турса, вирус юқмайди.

– Вой, одамлар қулоқ солмаяпти-ю, ана, милиционер келди!

– Ҳой қиз, дeraзадан нари тур. Ҳозир телевизорда дарсинг бошланади.

– Вой, қаранг, расмга олишяпти!

– Дeraзадан нари тур дедим-а! Дарсинг бошланади ҳозир!

...Бир соатлардан кейин Пўлат бўм-бўш халтани қўлида юмалоқлаганча кириб келди.

– Сабзинг тугаса, Маҳмуд аканинг дўконидан опкелиб бераман, – деди асабий бир тарзда. – Бунақанги тиқилинчда турсанг... Керакмас ўша сабзи! Кўчма бозор қайтага одамларни ўтирган уйидан суғуриб чиқди. Шуям карантин бўлдими?

– Вой тавба, худди ўзингиз юз фоиз карантинда ўтиргандек гапирализ-а? Кунора кўчадасиз.

– Сайрга чиқаётганим йўқ, билиб турибсан-ку! Йигирма беш йилдан бери шу маҳалла яшаймиз, болаларимиз шу ерда катта бўлди, оқсоқол фойданг тесгин деса, бурилиб кетоламанми?

Малика эрининг аччиғи келганини билиб, тилини тишлади. Пўлат уст кийимини ечиб, юз-қўлни совунлаб ювди-да, жавондан сўнгги кунларда берилиб ўқиётгани “Иқтисодий таҳлил тарихи”ни олиб, ётоқхонага кириб кетди.

...Кечга томон даҳлиздаги телефон жириングлади. Малика яна ўша қўши хотининг овозини эшитди:

– Хўжайиниз жа яхши одам эканла-я?

“Буни ўзим ҳам биламан”, – ўйлади Малика.

– Боя ҳокимиятни одамларини роса бопладила. Фургонни олдида турволиб расмлага туша кетишуви, “Кўчма бозорингла қайтага карантинни бузворди-ю, бир иш қилишдан олдин ўйлий силами ўзи?”, дедила. “Шу савдони маҳалламизни дўкони силадан яхширо эплаб турибди”, дедила. Кейин айтдилаки, “Бунақанги хўжакўрсун ишингла билан ҳаммани газабини кўзғатасила-де, кейин одамла нага норози деб ҳайрон бўласила”, дедила. Роса тўғри гапирдила лекин!

– Кўпчиликни ичидаганча гапни гапириб ташладиларми? Чатоқ бўпти-ку!

– Йўғ-а, хўжайиниз унақа жанжалкашмасла-ю, ҳаммаларини узокроққа опкетволиб, кейин “тузладила”!

“Узокроққа обкетган бўлишса, бу хотин қаёқдан эшита қолибди?”

– Хўжайинизга котта раҳмат айтиб қўйинг, хўпми? Ҳамма қўшнила курсанд бўлишиди.

“Оббо, ҳамма қўшнилар-а! “Даракчи” жуда яхши ишлайди!”...

...Уйда ўз-ўзидан қатъий тартиб ҳукмрон бўлиб қолди. Нонуштадан кейинги икки соат вақт Нигоранинг дарсларига ажратилар, қизча дафтар-китобларини узун столга ёйган кўйи телевизорда кўрсатиладиган дарсларни томоша қилар, бу вақтда столнинг нариги томонига жойлашиб олган Пўлат кулоқчин тақиб олганча ўзининг ёзувлари билан овора бўларди, баъзан эса ниқобини тутиб олиб, маҳалла идорасига чиқиб кетарди. Малика тушган кунлик кирларни йигиштириб, машинага тиқарди-да, компютери ёнига ўтириб, электрон почтасини текширас, Носиржон билан расмийлаштириладиган у-бу хужжатлар юзасидан гаплашарди. Кейин телеграмни очиб, синглисидан хат-хабар бор-йўқлигини текширади. Аксарият ўзи хабар йўлларди: “Тинчмисан?” Интернетни очганда Туркияда нима гап экан, дея қизикарди, ижтимоий тармоқ хориждаги бири-биридан ваҳимали воқеаларни ёзарди: жаҳонда мана мунча одам вирус юқтириди, мунча одам ўлди, мунчаси тузалди, фалон мамлакатда озиқ-овқат етишмаяпти, фалон давлатда фавқулодда ҳолат ўзлон қилишди, фалон мамлакатда дўхтирлар ишдан бўшаб кетяпти, фалон мамлакат мана бу мамлакатни вирус тарқатишида айбор деб айтди... Дунёда шунчалик ваҳима тургани учун синглисининг биргина “Тузукман”, деяслиги фалокатдай туюларди. Ҳолбуки, синглисининг борди-келди, салом-алик борасида ҳафсаласиз эканлигини, мулозаматни хушламаслигини билади, аммо ҳозир, ҳамма юрагани ҳовучлаб яшаётган бир пайтда икки оғиз тасаллуни қизганиши оғир ботади.

Қизи эса бу вақтда идиш-товоқ ювиш асносида ошхонани яна бир карра тозалаб чиқар, икки соатлик “ТВ-дарс” тугагач, Нигорани ҳам ишга солар, иккови шовқин-сурон билан хоналарни супуришиб, полини ювишар, Малика билан Пўлат эса бу вақтда айвончага чиқиб олишар, аёл тушлик тадоригини кўрар, эри дераза ёнидаги курсига ўтирганча, қўлидаги телефонидан интернетни кавлаштиради ёки нималарни дир ўқиб ўтиради. Тушлиқдан кейин Маликанинг талаби билан “осойишталик вақти” кучга киради. Қизлар хоналарига кириб кетишарди, Нигора ухлар, Феруза эса планшетида нималарни дир ўқиб, ёзиб ўтиради. Эри дивангандаган кўйи ўзининг севимли ҳажвий телешоусини томоша қилар, Малика бунақанги томошаларни хушламагани учун ётоқхонага кириб кетар, каравотига чиқиб олиб, “Донишманд Сизиф”ни ўқирди. Шу билан соат бешларда Малика қизини бошлаб ошхонага чиқарди-да, кечлиқ таом пишириш билан андармон бўлишарди. Кечки таом одатга кўра узокқа чўзилмасди, кейин ҳаммалари биргалашиб телевизор кўришар, аммо нимани кўришни ҳал қилишдан аввал шовқин солишиб, баҳсласишиб олишарди. Аммо Малика бу баҳсада қатнашмасди, кўпчилик нимани кўрамиз деса, индамай рози бўлар, агар телевизордаги томоша ёқмаса, бир чеккага ўтириб олиб, кулоқларига кулоқчин тиқарди-ю, кўзларини юмганча севимли қўшиқларини эшитиб ўтираверарди, эри эса қизларга қараб кўзини қисиб илжайб кўярди...

Малика даҳлизга чиқди. Пойабзал қўядиган пастак жавончада кир латта, унинг ёнида гилам тозалайдиган чўтка қолиб кетибди. “Мунчамя берхасфала-я...”

– Нигора, – дея чақирди у.

– Ҳм?

– Бу ёққа чиқ.

Эшикда Нигора кўринди. Малика жавончада қолиб кетган латтани кўрсатди.

– Сенинг ишингми?

Нигора “уф” тортиди.

– “Уф”лама! Нега доим ишингни чала ташлаб қочасан? Латтага шундок совун суркаб, чайиб қўйиш қийинми? Чўтканинг жойи қаёқда?

Қизча зарда билан латтани олиб ваннахонага кириб кетди.

– Малика! – айвончадан эрининг чакиргани эшилтилди. – Бу ёққа кел-чи!

Эри уни қовоғини солиб кутиб олди. Хотини киргач, эшикни зичлаб ёпди.

– Шу қизча сенга оғирлик қиляптими? – деди кейин.

– Нима қилибман?

– Латтани ташлаб кетганинг телевизорнинг ёнидан турғизиб келдингми?

– Тартиби ўргансин, деяпман. Нимаси ёмон буни?

– Қаёқдан ўргангансан бунақанги тарбия усулини? Болага бирпас тинчлик бермайсан, ҳар қадамида тергайсан! Агар шунчалик оғир тушаркан, олиб қолмагин эди!

– Ким сизга уни оғир тушяпти деди?

– Сен!

– Астағуриллоҳ! Нималар деяпсиз?

– Сени тергашларингни кўрган одам шунақа деб ўйлади.

– Бўлмаган гап! Мен болаларимни ҳам худди шунақа тергартдим, агар эътибор берган бўлсангиз!

– Йўқ, болаларингга қўллаган усулни бу қизчага татбиқ этма, тушундингми? Олий маълумотли одамсан, фан номзодисан, оддийгина ҳақиқатни билмайсан. Нигора бошқа ота-онанинг, бошқа муҳитнинг фарзанди, унинг гени – ирси бошқа, сенинг одатларинг унга сингимайди, унга бошқача ёндашув керак, тушундингми, бошқача!

– Бизникига келганига беш йилдан ошиди, демак, Нигора беш йилдан бери бизнинг муҳитда ўсяпти! Унинг ирси, гени томира, миясида эса бизнинг қарашларимиз, одатларимиз, у энди бутунисича бизнинг муҳитга кўчган! Тартиба, интизомга ўрганишнинг ёмон томони йўқ! Бўлди, бас, ҳозир бу ерда сиз билан жиқиллашмайман, қизлар эшигади. Бу масаланинг муҳокамасини кейин давом эттирамиз.

– Қачонга қолдирғанларини маълум қиласидарми, Малика Сатторовна?

– Истеҳзони бас қиласалар маъқул эди! Бугун кечкурун, қизлар ухлаганда гаплашамиз.

Эри “маъқул” деган каби боз силкиди.

Дунёдаш эні таройиб аёлдар пойабзаллари

Аёллар ҳар доим әнг гайриоддий, әнг ёрқин ва унугилмас нарсаларнинг шайдоси бўлишган. Дунёнинг лобар аёллари сабаб дизайнерлар ноодатий, ажойиб ва ҳатто бироз ғалати пойабзалларни ихтиро қилганлар.

ТҮЁҚ ШАКЛЛИ

Жуда гайриоддий пойабзал модели. Ушбу оёқ кийими ҳақиқий ҳайвон туёқларидан тайёрланди.



МАЗАЛИ

Гилосли пирог бўлаги шаклида оёқ кийими. Иштаҳани очади-ку, ейишнинг имкони йўқ!



РОГАТКА ТУФЛИ

Бундай оёқ кийимни кийишга фақатгина энг жасур аёллар журъят эта олишса керак.



ҚУШ КЎРИНИШЛИ

Қуш оёғи шаклига эга, қуш патлари ва пошнаси панжа тузилишидаги пойабзал.



ФЛАМИНГО КЎРИНИШЛИ

Жуда ғалати ва бироз қўрқинчли пойабзал модели. Бундай оёқ кийим билан тозаш ишларини олиб бориш жуда қулай.



Сув ости дунёсининг шайдола-рига аталган.



ДИЛСОРА тайёрлади

САОДАТ

Ўзбекистон Республикаси
хотин-қизларининг ижтимоий-
сиёсий, адабий-бадиий,
безакли журнали

1925 йилдан чиқа бошлаган

4-5-сон (908-909) 2020 йил

МУАССИС:

Ўзбекистон Республикаси
Маҳалла ва оиласи қўллаб-
кувватлаш вазирлиги

БОШ МУҲАРРИР:
Мунаввара УСМОНОВА

“САОДАТ” КЕНГАШИ:

Танзила НАРБАЕВА

Элмира БОСИТХОНОВА

Муҳаббат ШАРОПОВА

Саодат БОЙМИРЗАЕВА

Ойдин ҲОЖИЕВА

Энахон СИДДИҚОВА

Гулистон МАТЁҚУБОВА

Гавҳар АЛИМОВА

ТАҲРИРИЯТ:

Бош мухаррир ўринбосари:

Маҳмуда САҶДУЛЛАЕВА

Бўлим мудири:

Кутлибека РАҲИМБОЕВА

Мусаххих:

Махсума ЭРГАШЕВА

Саҳифаловчи:

Шерзод АБДУРАҲМОНОВ

Таҳририят манзили:

Тошкент шаҳри, М.Улуғбек тумани

Мирзакалон Исломиий Г-1.

E-mail: info@saodat-gul.uz

Веб сайт: www.saodat-gul.uz

Тел.: (71) 202-70-04, 202-70-05

Босмахонага **1.07.2020** йил
топширилди.

Қоғоз бичими **60x84 1/8.**

Ботик босма.

Нашр ҳисоб тобоги **5,75.**

Индекс – **867**

ISSN 2010-541X. Журнал 2006 йил
22 декабрда Ўзбекистон Матбуот
ва ахборот агентлигига 0061-рақам
 билан рўйхатга олинган.


“Шарқ” нашриёт-матбаа
акциядорлик компанияси
босмахонасида чоп этилди.

Буюртма №**1025.** Адади **2643.**

Баҳоси келишилган нархда.

Ушбу сонда:

- 5 ОЙНИНГ ЁРУФ КУНЛАРИ
**Ҳар кундузнинг
ўз тонги бор**
- 7 МУТАХАССИС ОГОҲЛАНТИРАДИ
**Ҳар киши ўз соғлиғи учун
масъулдир**
- 10 ЭЛ БОШИГА ИШ ТУШСА...
**Дунёни
меҳр қутқаради**
- 12 ИБРАТЛИ УМРЛАР
**Кафтида музларни
эритган она...**
- 14 КУТЛОВ
**Хосиятинг бўлай,
сўзинг бўлайн**
- 16 САИД АҲМАД ТАВАЛЛУДИННИГ
100 ЙИЛЛИГИГА
Дадам, ойим ва мен
- 26 НАСР
Карантин



Биринчи муқовада:

– Халқимизнинг дастурхони тўкин, насибаси бут бўлса, бизнинг йил бўйи қилган меҳнатларимизнинг роҳат бўлгани – шу, – дейди қашқадарёлик фермер Ибодат АҲМЕДОВА. Унинг бугун юксак хирмонларга айланган бўлиқ бошоқли буғдойзорда туриб юракдан айтган бу гапларида она тупроғимиздан кувват, қуёшдан тафт олиб юртимиз хазинасини бойитиш, элизим кўнглини олиш учун астойдил меҳнат қилаётган барча дехқону тадбиркорларимизнинг аҳду қарорлари мужассамдек.

(Фермер ҳақидаги мақолани
журналнинг 22-саҳифасида ўқинг).

Азиз мухлисларимиз!

Бутун дунёга, шу жумладан, юртимиз бошига тушган синовли кунлар туфайли журналиминг навбатдаги – Сизга май ойида етиб бориши керак бўлган сони кечиқди. Сиздан узр сўраган ҳолда “Саодат”нинг май-апрель – қўшма сонларини тақдим қиляпмиз. Бу мاشақатли, сабоқли дамларни ҳам, албатта, биргаликда енгиб ўтамиш. Маънавият, маърифат инсоннинг бошига тушган ташвишларни енгиллатиш, унга руҳий кувват баҳш этишини ҳисобга оладиган бўлсан бугун бир-биримизга ҳар қачонгидан ҳам кўпроқ керак эканимизга шубҳа йўқ. Демак, биз Сиз учун меҳнат қилишни давом эттирамиз, Сиз ҳам ўз хонадонингиз, оиласигиз, маҳаллангиз билан қадрдан нашрингиздан узоқлашмайсиз, деб ишонамиз!

“Саодат” журнали индекси – 867.

Журналнинг бир сони учун белгиланган

нарх – 10.000 сўм. Бир йилга – 120.000 сўм.

Бу нархга почта ва йўл харажатлари кирмайди.

Йилниң эң фаол журналисти – 2020



Дилбар ҲАЙДАРОВА, “Мураббий” газетаси
бош мұхаррири (Наманган вилояты)



Сайёра ҲУСАНОВА, “Маҳалла”
телерадиоканали катта мұхаррири



Гүзәл МАТЁҚҰБОВА,
“Хурriyat” газетаси бўлим мудири



Манзура ШАМСИЕВА,
“Гулистон” журнали бўлим мұхаррири

Матбуот – ҳаёт күзгуси. Ундаги тезкор хабарлар, таҳлилий материаллар, долзарб мавзудаги интервьюлар одамларнинг тафаккурини уйготади, тасаввурларини тиниқлаштиради, тарих, бугун ва келажак ҳақидаги саволларига жавоб топишга ёрдам беради. Журналист ана шу жараён – англаш ва англатиш жараёнининг марказида яшайди. Унинг холислиги,adolati, biliimi, samimiyati маънавий юксалишининг асосий мезонларидан бири бўлиб ҳисобланади. Шу маънода, кейинги йилларда мамлакатимиз журналистикасида салмоқли ўзгаришлар юз берди. Ошкоралик, сўз эркинлиги, дадиллик каби тамойилларга таянган босма ва интернет нашрлари, радио, телевидение каналларига фуқароларимизнинг ишончи ортди, одамлар ва матбуот ҳамкорлиги кучайди.

Бундай фикрлар 27 июнь – Матбуот ва оммавий ахборот воситалари ходимлари куни муносабати билан ўтказилган тадбирларда ҳам тез-тез тилга олинди. “Йилниң эң фаол журналисти – 2020” тадбири ҳам ана шундай катта эътирофлардан биридир. Биз машақатли, шарафли меҳнатлари муносиб баҳоланган ҳамкасбларимиз орасида бир қатор опа-сингилларимиз борлигидан фаҳранамиз. Улар тимсолида барча мукофотланган ҳамкасбларимизни, “Саодат” журналиниң жойлардаги муаллифларини, чинакамига ҳалқ овози, сўзи бўлишига ҳаракат қилаётган жонкуяр журналистларни касб байрамимиз билан табриклаймиз! Сиҳат-саломатлик, ижодий муваффақиятлар тилаймиз!

Чуб 10490

ЗАМОНАМИЗ ҚАХРАМОНЛАРИ

